



18417

Mag. St. Dr.

P

fast. komp.



18417



10

Histor  
Ge



Historia urbium in Polonia

Gedanum.

(Prussia)

Informatio de iuribus terrarum Prus-  
siae et Civitatis Gedanensis adversus no-  
vam Felonii affectionem edita.

Gedan. 1637.



2421 *Pauw.*



0679 1/2<sup>te</sup> 546/1 10.

INFORMATIO  
De  
JVRIBVS

Terrarum Prusliæ  
et  
Civitatis Gedanensis

*adversus novam Telonij affectationem  
edita*



GEDANI  
Anno M. D. C. XXXVII.

INFORMATION  
DE  
VIRIBUS

1847.7





**I**mmunitas Terrarum Prussiæ ab omni  
novo telonio, antiquissimi privilegii jure  
munita, [I.] & excusâ Crucigerorum ty-  
rannide à D. Casimiro Rege Poloniæ, volunta-  
riæ subjectionis atq; incorporationis conditio-  
nibus inserta, [II.] ab eodem quoq; Serenissi-  
misq; Successoribus in vigore conservata, [III.]  
præsertim à D. Stephano Rege, post auctionem  
portorii Gedanensis, interveniente aliquot an-  
norum Tractatu obtentam, Comitiali authori-  
tate roborata, [IV.] postea à D. Sigismundo  
Tertio specialiter approbata, [V.] denique Sa-  
cræ Regiæ Majestatis, feliciter nunc regnantis,  
solenni Diplomate confirmata, [VI.] ac no-  
vissimis Induciarum pactis, post bellicas vecti-  
galium exactiones, in pristinum statum reducta,  
[VII.] ideoq; rursus literis Reversalibus reno-  
vata, [VIII.] nunc demum Spiringiorum teme-  
ritate in dubium vocata, [IX.] & sub prætextu  
novæ Constitutionis ipso facto impugnata, [X.]  
necessariò requirit, ut repetitis jurium liberta-  
tumq; fundamentis, commemoratâ rerum se-  
rie, ipsisq; documentorum formulis adjunctis,  
dissensus declarati rationes publicè explicen-  
tur, [XI.] & adversus novam telonii nautici af-  
fectationem justa desideria, in Veritatis atq; In-  
nocentiæ subsidium [XII.] universim  
cognoscantur.



**I.** **J**Am inde ab initio regiminis Crucigerorum  
in Prussia absolutam ab omni penitus telonei ex-  
actione libertatem subditis istius Ordinis concessam  
fuisse, Privilegium Culmense primarium testatur,  
ab HERMANNO DE SALCZA, Magistro Ge-  
nerali, & HERMANNO BALKONE, ejusdem  
Ordinis in Prussia Provifore, ac primo ejusdem Terræ  
Commendatore, A.<sup>o</sup> 1233. datum, & ab EBER-  
HARDO de SEYNE, Vicesgerente Magistri Gene-  
ralis, Anno 1251. renovatum. [A.] Cujus privile-  
gii usum, auctis Ordinis viribus & limitibus, in uni-  
versa Prussia invaluisse, indeq; alia omnia originem  
traxisse, extra controversiam est: & subsequentium  
temporum monumenta, Inscriptiones, Actaq; publi-  
ca, Juri libertatiq; Culmensi, seu fundamento suo  
semper innixa; adeoq; inveteratæ consuetudinis vi-  
gore continuatam possessionem ad posteros legitime  
devolutam esse constat. Etsi verò regimine paula-  
tim in deterius vergente, & crescente subinde domi-  
nandi licentiâ, jûribus subditorum adversa, Status  
Terrarum Prussia, irrepentes quandoque difficultates  
& gravamina pro rerum hominumq; vicissitudine ex-  
perirentur: attamen libertati pristinae constantissime  
insistentes, ad evitandam salutis suæ & publicæ utili-  
tatis jacturam, partiq; juris integritatem retinendam,  
nihil reliquum fecere. Inprimis etiam immunitatem  
vectigalium, immemorialis temporis spatio illasam, &  
exactione quadam maritimâ, Psundzoll dictâ, à Cru-  
cigeris violatam, non ipsi tantum, de antiquo jure  
periclitantes, omni conatu & studio defendendam su-  
sceperunt: sed etiam confederatæ Civitates Hansea-

Lit: A.



tica, de cōmuni commerciorum prajudicio sollicita,  
 progressum ejus rei interventu suo meritò impedi-  
 verunt; & transmarini finitimq; Principes eandem ad  
 se subditosq; suos injuriam pertinere rati, insolita no-  
 varum exactionum onera subire noluerunt. Nec de-  
 fuerunt Serenissimorum Poloniæ Regum & incolarum  
 Regni contradictiones, & in Pacificationibus publicis  
 de conservandâ mercatorum consuetâ libertate tracta-  
 tiones; quarum non-obscura pluribus in locis indicia  
 deprehenduntur. Etsi enim Civitatibus Prussiæ olim  
 quoque certum portorii jus competeret, & in Geda-  
 nensi Civitate ejus pecuniæ solutionem nemo detre-  
 ctaret, quam ab omnibus & singulis mercato-  
 ribus ac negotiatoribus, undecunq; in portum  
 Gedanensem cum navibus & mercibus cujus-  
 cunq; generis applicantibus, & de rebus per  
 hunc portum quocunque mittendis, pro re-  
 stauracione & conservacione ejusdem portus  
 sui, sub vulgari vocabulo *Pfalgeldt* / à palis  
 ad structuras aquaticas figendis denominato, anti-  
 quitus exigere & sublevare consuevit; prout  
 non solum ex iteratâ concessione D. Sigismundi I.  
 ipsisq; portorii pactis, cum D. Stephano Rege initis;  
 sed etiam ex quadam controversiâ inter Civitatem El-  
 bingensem & Gedanensem A<sup>o</sup> 1341. sopitâ liquidò  
 apparet: [B.] cum tamen præter istos ordinarios &  
 tolerabiles Civitatum proventus, duos scilicet denari-  
 os de qualibet marcâ Prutenicâ non excedentes, capta-  
 tâ lucris occasione, aliam exactionis speciem inusitato  
 more Crucigeri sibi arrogarent, *Pfundzoll* / id est, li-

Lit. B.



brale vectigal appellatam, eò quod de qualibet librâ  
Flamingicali ( quæ numerandæ & computandæ pecu-  
niæ ratio etiamnum in usu est, & septem florenis gros-  
sisq; tredecim monetæ Polonicæ æquivalet ) aliquot  
denarii dependendi essent; novis hisce & noxiis eo-  
rum conatibus omnes obstitere, qui vel ex Privilegii  
præscripto vel ex vetustâ consuetudine jus quæsitum  
allegantes, publicam commerciorum libertatem asse-  
rendi, & ingens rei mercatoriaræ dispendium evitandi  
æquissimo desiderio ferebantur; & restitutam vecti-  
galis istius immunitatem aliquoties obtinuere: quin  
imò ingravescentibus malis & promissorum fide sæ-  
pius violatâ, pro tuendis juribus & propulsandis vio-  
lentiis, Año 1440. Status & Ordines Terrarum Prus-  
siæ, testantibus Sponsionis suæ reciproca, sive dediti-  
onis voluntariæ literis, D. Casimiro Regi postea datis,  
**Ligam & Vnionem**, omnem justitiam æqui-  
tatemq; redolentem, non quæ justam potesta-  
tem Dominis adimiret, sed quæ injusta illos  
bella suscipere, & subditos, absque jure,  
denudato vacuo uti mucrone, eosq; fortunis  
& rebus spoliare suis prohiberet, iniverunt,  
maritimiq; telonii abolitionem à Magistro PAULO de  
RUSDORFF denuò impetrarunt. Quo è vivis subla-  
to cum successor ejus LUDOVICUS ab ERLICHSHAUSEN,  
affectati vectigalis quæstum severius reperens, illo se  
necessitatis intuitu carere aut dignitatem salvam reti-  
nere sine eo nullâ ratione posse diceret, ac tùm jura  
superioritatis, tùm exempla aliorum Principum varia-  
sq; prætensiones opponendo, & incolis Prussiæ fuca-  
tam

ram exemptionem promittendo, inq; extraneos solos:  
futurum onus transferendo, nihil prorsus intentatum  
relinqueret; exactionis injuriam cum aliis gravamini-  
bus tantisper tolerarunt, donec læsâ tandem patientiâ  
ad excutiendum tyrannicum jugum consilia animosq;  
converterentur.

**P**ostquam enim D. Rex CASIMIRUS, Jagellonis fi-  
lius, ( uti in Privilegio Incorporationis fatetur )  
Prælatorum, Spiritualium & Sæcularium & u-  
niversæ Communitatis Terrarum Prussiæ cre-  
bris precibus & legationibus fuisset rogatus,  
quatenus ipsos in eorum juribus, libertatibus,  
immunitatibus & privilegiis; & signanter in  
Unione & Liga, per ipsos ritè & sincerè initâ  
& conditâ, ad cujus enervationem & violati-  
onem Magister & Ordo variis viis, coloribus  
& violentiis usus est, manutenere & defen-  
sare dignaretur: Is tamen nullum eorum cala-  
mitati præstandum censuit suffragium, sed  
parti utrique reconciliationi persuasit esse in-  
sistendum, ne alere oriens incendium videre-  
tur. Verum cum temporis processu diffe-  
rentia partium adeò crescendo invalesceret,  
ut Prælati, Spirituales, & Sæculares, Terrige-  
næ & Cives Terrarum prædictarum, spe extre-  
mâ destituti, & injuriarum magnitudine pres-  
si, violentis Dominis, jura & privilegia atque  
immu-



immunitates eorum pro libitu frangentibus,  
nullatenus sibi de cætero parendum duxerint;  
sed legibus divinis & humanis innixi, quæ in-  
justis Dominis, scelus & nefas agentibus, nul-  
latenus parendum decernunt, obedientiâ &  
subjectione Magistro & Ordini subtractâ, e-  
undem Serenissimum Poloniæ Regem per Ambasi-  
atores & Nuncios suos, cum pleno mandato  
& legatione missos, novis precibus & legati-  
onibus sollicitarint, quatenus non jam tan-  
tum eorum defensionem, quantum gubernatio-  
ni & regimini insisteret, deditionemq; eorum,  
subjectionem, fidelitatem & perpetuam obe-  
dientiam susciperet: pluribus evidentibus  
legitimisq; respectibus persuasus, admonitus  
& inductus, communicato cum Prælati, Prin-  
cipibus, Baronibus, cæterisq; Regnorum, Du-  
catuum & Dominiorum suorum consilio, ac  
de eorum expressâ voluntate, approbatione,  
gratificatione, & consensu, prælatorum Præ-  
latorum, Spiritualium & Sæcularium, Milita-  
rium, Civium, Terrigenarum & omnium in-  
colarum Terrarum Prussiæ, Culmensis, Kyns-  
bergensis, Elbingensis & Pomeraniæ, in terrâ  
marisq; sitarum, benevolam & spontaneam de-  
ditionem, regimen, tutelam, gubernationem,  
subjectionem, obedientiam assumpsit & acce-  
ptavit

ptavit, & ad usum, participationem omnium  
honorum, jurium, libertatum & prærogativa-  
rum, quibus Prælati, Barones & Nobiles Re-  
gni Poloniæ hæctenus potiti sunt, admissis, an-  
nexis & inclusis promissit, pro Se, Hæredibus  
& Successoribus suis, quod incolas Terrarum  
Prussiæ in juribus, libertatibus, literis, privi-  
legiis, immunitatibus eorum, conservaturi &  
defensuri, nec unquam ea violaturi aut præ-  
varicaturi, aut violari vel prævaricari quomo-  
dolibet permissuri essent: nominatim insuper,  
injuriam exactæ Daciæ, *Psundzoll*/ inter mutati regimi-  
nis causas relatâ, ut in mutatione Principum  
commutatam etiam & sublatam deprehende-  
rent oppressiorem, Daciam, *Psundzoll* di-  
ctam, aliaque omnia telonea, in aquis & ter-  
râ, in Terris Prussiæ constituta, in perpetuum  
sustulit, abrogavit, & deposuit, nullo unquam  
tempore, per Se aut Successores suos, Poloniæ  
Reges, ex quacunque causâ aut occasione in-  
stituenda & imponenda: denique mercatoribus  
Prussiæ hanc libertatem & prærogativam in ipsâ Po-  
loniâ conservari voluit, ut in quacunque loca, Civi-  
tates & oppida Regni, Ducatum, & Dominiorum  
annexorum, merces suas licitè invehere, deponere, ac  
pro arbitrio divendere, nec non in vicinas ditiones  
extra Regnum solitis stratis evehere queant; quo ca-  
su demùm finitimi antiqui telonei reservatio adjecta



Lit. C. est. [C.] Idem planè ex sponsione reciproca, seu literis Reversalibus Ordinum Prussiae, perspicuum evadit, quibus se tot tantisque oppressionibus, oneribus, gravaminibus atque injuriis laceffit, superbo, avaro & injusto Magistri & Ordinis dominio, autoritate & suffragio naturalis & humanae legum, renunciasset, & postquam sui juris esse coeperant, non solum vendicationem libertatis, sed justum principatum, imperium & solium quaesivisse significant, ac pro se, haeredibus & successoribus suis, perpetuam fidem & obedientiam Serenissimis Poloniae Regibus promittunt, JURIBUS SUIIS

Lit. D. SEMPER SALVIS. [D.] Ea igitur conditione Terris Prussiae sub regimine Serenissimorum Regum, & Regni Poloniae corpore consistentibus, uti nihil clarior, nihil salubrius ad pristini status conservationem, & omnimodam vectigalium libertatem dici statuivè potuit; ita nihil gravius, nihil perniciosius, & à Majorum instituto alienius fore manifestum est, quam apertissimis pactionum verbis contrariam telonei marini exactionem, solà denominationis diversitate & quantitatis augmento dissimilem, tanquam novarum calamitatum fomitem, post bina ferme saecula in Terras Prussiae revocare.

III. **N**Unquam certè Divus CASIMIRUS, quamvis in gravissimis bellorum motibus, quamvis in summis Reipublicae necessitatibus, post abrogatas exactiones

actionum iniquitates, à propositâ immunitatis perse-  
verantiâ deflexit, nunquam fidelitatis & meritorum  
memoriam ita seposuit, ut jâribus & libertatibus à Se  
confirmatis quæsito aliquo colore vim & præjudiciũ  
inferri pateretur: quin potius, cum æternâ Nominis  
sui laude, laudes fidelium subditorum literarum mo-  
numentis commendavit, & gratiæ Regiæ testimonio  
beneficiisq; perennibus & privilegiorum accessionibus  
ornavit, eorumq; salutem & commoda augenda & am-  
plificanda statuit. Unde nimirum orta sunt tot præ-  
clara elogia, Sincera fidei, promptissimiq; seruitiorum  
studii, luculenter & egregiè, in bellorum periculis, o-  
pe & opibus, constanti virtute & assistentiâ continuâ,  
immemis sumtibus & pecuniarum impensis, pro ho-  
nore & utilitate Regiâ, ad recuperandas Prussiæ Ter-  
ras collati, Privilegiis amplissimis, Civitati Gedanensi  
Anno 1454. & sequenti, binisq; aliis A.º 1457. datis  
consignata, ut beneficia beneficiis compensata alios ad  
exempli similitudinem allicerent & inflammarent.  
Atque ut omnis reliquis ea tantũ, quæ in rem præ-  
sentem faciunt, hîc recenseantur, ex posterioribus al-  
terum, de certa scientiâ, expressâ voluntate & unani-  
mi approbatione omnium Consiliariorum, tam Re-  
gni Poloniæ, quàm Terrarum Prussiæ, immunitatis  
vedigalium conservandæ cautionem peculiarem Civi-  
tati addidit, quod nulla nova telonea vel gra-  
vamina, neque in Vistulâ neque in terrâ, tem-  
poribus quibuslibet futuris constitui, eiq; im-  
poni debeant, quemadmodum literæ Orig-  
inales & primaria Inscriptio Cracoviæ Terris



**Lit. E.** & Civitatibus Prussiae concessa & data continet & exprimit [E.]. Ubi sanè nequicquam attingit, verum rei sensum argutâ interpretatione eludere, quasi ad mare extendendum non sit, quod de Vistulâ ac Terrâ disponitur: siquidem clavis verbis privilegium hoc sese refert ad primarium Incorporationis privilegium, quo intra Prussiam omnia telonea in Terrâ & Aquis, adeoq; & mari, aquarum præcipuâ, perpetuò prohibita sunt, & nominatenus libræ vectigal sublatum legitur, quod ipsum marinum fuisse, sive mercibus mari in vectis evectisq; impositum, nemo negaverit: extra Prussiam personalis mercatorum Prussiae prærogativa reservata; adeoq; utrovis modo debitæ immunitati prospectum est. Quanquam vel ideò maris mentionem fieri superfluum æquè ac incongruens videri potuit, quod nusquam usu receptum vel exemplis comprobatum sit, Principem ullum, ullamve Rempublicam, in dominiis & ditionibus propriis jure suo utentem, in ipso mari collocatâ classe navali magnis impensis vectigalia legitima exercuisse, nec nisi ab hostili impetu tale impedimentum liberæ navigationi injectum iri verisimile fuerit: seu quod non tam locorum differentias attendi, ubi omnia loca teloniis vacua esse debent, quàm ipso exactionis onere abstineri oporteat, ubi novum onus salvà libertate sustineri non potest. Deinde cum inter D. CASIMIRUM Regem & supradictum Magistrum Ordinis, LUDOVICUM AB ERLICHSHAUSEN, Anno 1466. rursus de Pace perpetuâ tractatum esset, cujus vigore Magister & Ordo Terris Pomeraniæ, Culmensi & Michaloviensi, & illarum juri, propri-

proprietati, titulo & dominio, sibi & Ordini in illis  
competenti, pro se, Successoribus & Ordine suis, re-  
nunciatione & cessione perpetuâ & irrevocabili se ab-  
dicare tenebatur, sponsione mutuâ statutum est, nul-  
la telonea nova utrinque imponenda fore aut  
imponi permittenda, tam in Terris quàm in  
in aquis; sed tantummodò utendum imposi-  
tis [F.] Idque iterum in privilegio Casimiriano, An-  
no 1476. repetitum extat, cujus vigore unum Jus  
Culmense, quo districtus Culmensis gaudet & fruitur,  
districtibus itidem Pomeraniæ, Mariæburgensi & Po-  
meraniæ confertur ac confirmatur, & libertas ab  
omnibus oneribus ac Daciis inconsuetis, qui-  
buscunque appellentur nominibus, Terris Prus-  
siæ conservatur [G.] Similem fortunam apud Sere-  
nissimos Successores, JOANNEM ALBERTUM, A-  
LEXANDRUM & SIGISMUNDUM experta est Prus-  
sia: qui Genitoris sui vestigiis inhærentes, non tantum  
Regiorum Diplomatum solennitate Jura, Privilegia, li-  
bertates & prærogativas Terrarum Prussiæ, ac omnia  
& singula in ipsis contenta, ratificarunt, approbarunt  
& confirmarunt; sed etiam reipsa illiciti vectigalis  
exactionem in Prussia nullam admiserunt: usque a-  
deò, ut in pacificatione Cracoviensi inter Serenissimum  
SIGISMUNDUM I. Regem Poloniæ & Illustrissimum  
Principem ALBERTUM, Marchionem Brandebur-  
gensium, Ducem Prussiæ, Anno 1525. expressum sit,  
quod nulla telonea in Terris Prussiæ, contra an-  
tiquam consuetudinem & privilegia, ab ullâ  
partium institui, & si quæ instituta essent, ea

Lit. E.

Lit. G.



Lit. H.

hinc inde abrogari deberent: eumq; articulum, cum aliis omnibus ac singulis, D. Rex SIGISMUNDUS I. pro Se & Successoribus suis, Regibus Poloniae, sub fide boni ac legalis & ingenui Principis observare, nec quoquo modo contravenire, de jure vel de facto, directe & indirecte, omni dolo & fraude penitus seclusis, promiserit. [H.] Quo vero animo D. SIGISMUNDUS AVGVSTVS ea in re affectus fuerit, tot Retscriptis Regiis, Decreto & literis universalibus, partim latine, partim polonice pluries editis, satis demonstravit, quarum tenore, cum Cives Gedanenses, in Regno mercaturae faciendae deditos, nullis, nisi cum extra Regni fines merces suas provehunt, vectigalium praestationibus teneri innotuisset: ne quid inductis contrariis moribus antiquae libertati commerciorum, quibus Regna & Dominia plurimum augeri solent, decedat; neve illicitis vectigalium exactionibus jura & privilegia, a Divis Antecessoribus suis Terris & incolis Prussiae concessa, a quoquam violentur, prospicere voluit; eaque omnia firma & perpetuo inviolata esse iussit, (veluti Anno 1567. 1569. 1570. testatum fecit) omni penitus licentia Praefectorum teloneorum, vel ipsorum vices gerentium, in contrarium adempta, omnibusq; indultis, veteri pendendorum vectigalium consuetudini adversantibus, abrogatis:  
adeo

adeo ut Anno 1572. vix quinque ante obitum suum  
mensibus severe id rursus ediceret, & literas quas-  
cunque, contra libertates, jura & Decretum  
latum, quodcumque impetratas vel impe-  
trandas, nullas atque irritas declararet. [I.]

Lic. I

Quod etsi eas vectigalium praestationes concernere vi-  
deatur, quibus Cives in ipso Regno mercaturam exer-  
centes, contra veterem morem à teloneatoribus se gra-  
vari questi sunt; ex eodem tamen jurium & libertatis  
fonte cuncta illa promanarunt: cumque extra Prus-  
siam mercatoribus illius, per Poloniam negotiantibus,  
nova teloneia imponi non debuerint, majorem utique  
in Terris Prussiae immunitatum rationem habere ne-  
cesse fuit, utpote in quibus nullus teloneis quibusvis  
per privilegia locus esse potuit. Neque sanè diversam  
istis temporibus marinae exactiois conditionem fuisse,  
vel praeter portoria Civitatum, antiquitus usitata, ex  
parte Regià in portibus maris aliquid exactum esse,  
argumento ullo vel conjecturà assequi licet. Quippe  
cum instinctu adversariorum quorundam Commissa-  
rii Regii in Civitates Prussiae destinati essent, quorum  
actionibus & Constitutionibus status earundem non  
leviter turbatus fuerat, ( de quibus integrè sublati &  
aboliti paulò post dicendi locus erit ) iique suis per-  
suasionibus ( nihil enim illos autoritate Commissori-  
ali de novo Maris vectigali introducendo sanxisse pa-  
lùm est ) Ordines Civitatis Gedanensis, diu multumque  
reluctantes, induxissent, ut ad placandum offensi Re-  
gis animum, mitem reverà ac naturà placidum, sed  
invidorum odiis & delationibus, ut fieri assolet, adver-  
sus fi-



sus fideles subditos accensum, portorii sui soliti sive pfalgeldi auctioni, in usum Regis Augusti pacto personali conferendæ, certis conditionibus adjectis, cum primis de reservatione & redintegratione jurium & consuetudinum antiquarum, de liberatione à gravaminibus istius Commissionis & reliquis difficultatibus exortis, consensum tandem suum præberent: attamen res hæc effectui prorsus caruit, & neque hujus Regis, ante causæ exitum morte præventi, neque Successoris HENRICI tempore quicquam de more pristino & consuetæ libertatis possessione remissum aut immutatum fuit.

#### IV.

**I**Taque Regni gubernacula capeffente D. STEPHANO, & Tractatu portorii augendi reassumpto, atque ad annum usque 1584. continuato, & ad concordiam perducto, iis tandem pactis de toto negotio & annexis capitibus utrinque conventum & transactum est, quæ Responso internunciis Gedanensibus Grodnæ tradito, & manu Sigilloq; Regiis firmato, in formâ Privilegii, inserta reperiuntur: hac cautelâ additâ, quod si ratihabitio Comitialis in proximo Regni Conventu non accesserit, utraque pars ad totam Transactionis formulam obligata amplius non esse, sed exactio aucti portorii ipso facto cessare, uec ulterius procedere, debeat [K.] Verum eventus promissis non defuit: siquidem D. Rex STEPHANUS, quod autoritate suâ & motu proprio se effecturum receperat, Warsaviæ in Comitibus anni sequentis 1585. omninò perfecit; & auditis die 20. Februarii DD. Senatorum sententiis, suæque voluntatis clementissimâ declaratione adjectâ, nonnul-

Lit. K.

nonnullis ex Ordine Senatorio deputatis Commissariis, nimirum Ill.<sup>mis</sup> Rev.<sup>mis</sup> Illust. & Magnif. Dominis, Dn. Archiepiscopo Gnesnensi, Dn. Episcopo Plotensi, Dn. Palatino Plocensi, Dn. Palatino Culmensi, Dn. Castellano Brzestensi & Dn. Castellano Culmensi, rei ulterius examinandæ negotium dedit: quorum congressu die 24. Februarij subsecuto, & omnibus pactorum articulis accuratè expensis, demum die 26. Februarii, in consessu Comitiali, Originales privilegii literas, prout antè conscriptum erat, nullâ voce aut syllabâ mutatâ, in solennissimâ formâ, Sigillo majore Majestatis, ut vocant, munitas, quod non nisi in arduis & magni momenti negotiis adhiberi solet, per manus Ill.<sup>mi</sup> Dñi. Regni Cancellarii, Gedanensium Oratoribus publicè tradi jussit: de quo non solum Annales Civitatis referunt; sed & Majoris Cancellariæ Acta, rei gestæ præfationem continentia, abundè fidem faciunt. [L.] Quibus quidem literis, Lit. L. post multiplicem ac diuturnam tractationem, tandem Civitatis Gedanensis Ordines dicti portorii sui binummalem auctionem, hoc est, de singulis marcis Prutenicis binos nummos, seu denarios, adeoque de centum florenis Polonicis, sive mercibus valorem istum æquantibus, sedecim grossos cum duobus solidis, Serenissimo Regi STEPHANO, & Successoribus ejus, Regibus Poloniæ coronatis, consensisse: vicissim Serenissimorum Regum nomine, habitâ super hoc deliberatione cum Consiliariis Regni & nominatum Terrarum Prussiæ, Civitati & ejus Ordinibus, tam de propositis augendi portorii conditionibus, quàm de tollendis gravaminibus certo modo cautum prospectumq;



& inter alia constitutum esse liquet: quod isthæc  
auctio portorii Civitatis Gedanensis juribus,  
privilegiis, libertatibus, antehac habitis &  
possessis, nullâ ratione, nullo unquam tem-  
pore nocere, obesse, derogare, vel præjudica-  
re nec possit, nec debeat: ut portorium id  
exigant more institutoq; pristino Civitatis tres  
Consules & duo Scribæ, à Senatu eligendi:  
ut æstimatio exigendi de mercibus portorii,  
pro valoris conditione, penes Senatum per-  
maneant: ut supra binummalem auctionem  
portorium, vel ex Regiâ vel ex Civitatis par-  
te, nullâ ratione amplius augeatur: ut in lo-  
co consueto intra Civitatem, & non alibi,  
portorium conjunctim percipiatur, & ibidem  
rationes nautarum & mercatorum, de navi-  
bus, bonis & mercibus illorum, ineantur &  
conferantur: & generaliter, ut omnis hæc  
percipiendi portorii ratio nunquam inpos-  
terum mutetur vel innovetur: ut nihil de Com-  
missione præteritâ quæstionis vel controversiæ  
relinquatur; sed Civitas in jure & statu suo,  
quo antea fuerat, deinceps etiam permaneat,  
nec vi istarum actionum & Constitutionum,  
Commissorialium quicquam de statu Civitatis  
immutetur, ac proinde omnes ejus Ordines  
& Cives realiter & effectualiter ab isthac totâ  
Commis-

Commissione, & omnibus ejus attinentiis & gravaminibus, liberi existant: ut omnia & singula rata firma ac perpetuò conserventur, nec Serenissimi Reges adversus ea, in Civitatis Gedanensis præjudicium aut detrimentum, quicquam faciant vel fieri patiantur. [M.] Lit. M.  
Frustra ergò laborant, qui pacta ista Portorii, tanquam privata, & auctoritate publicâ destituta, passim jactare, iisque vim omnem & validitatem adimere nituntur: ac si privatos tantum successores, non Reges Poloniae obligare, nedum Constitutiones Commissariorum anteriores tollere potuerint. Namque eadem Constitutiones, quæ nullam planè telonei marini mentionem faciunt; etiamsi de consilio & consensu Consiliariorum Regni in Comitibus anni 1570. approbatæ & confirmatæ dicantur, quia tamen ad effectum nunquam deductæ sunt; quin & arbitrio ac beneplacito Serenissimorum Poloniae Regum, cum expressâ facultate mutandi & tollendi, plenè reservatæ, prout id ipsum expedire, tempusvè & occasio requirere videretur; cum per jura Civitatis subsistere non possent, magnaq; temporum perturbatio varietasque subsequuta esset, quò minus itidem in Comitibus Anno 1585. consilio & consensu Consiliariorum Regni & Terrarum Prussiæ in omnibus accedente, ipsoq; Regni Primati, qui infaustæ Commissionis Præses antea fuerat, adstipulante, rite & legitimè sublata & abrogatæ fuerint; aut cur minus roboris posterioribus pactis, deliberato animo, per multa temporum intervallo, accurato examine prævio, tam solenniter edi-



tis, continuoq; usu receptis, quàm aliis Actibus Comitialibus, eodem tempore expeditis, tribuendum sit nulla probabilis ratio afferri potest: nisi quis in consentum potestatis Regiæ, supremam in conservandis & restaurandis juribus authoritatem verbosis disputationibus involvere & suppressere; Senatorum Regni ignorantiam vel imprudentiam falsò arguere; Cancellariorum negligentiam, vel aliquid gravius, temerè accusare; & quæ de coronatis Poloniæ Regibus publicè acta & transacta sunt, in privatos hæredes, ad quos publicarum rerum tractationes & successiones non pertinent, perperam transferre; denique Acta universa & observantiam superiorum temporum, pactis portorii, ceu fundamento solido innixam, pacificamq; possessionem, Annis quinquaginta tribus extra controversiam positam, audacter violare & infringere in animum inducat.

V. **A**lia longè mens fuit gloriosissimi Regis SIGISMUNDI Tertii, felicissimæ recordationis, qui non modò solenni Diplomate jura & privilegia Terrarum Civitatumq; Prussiæ, exemplo Antecessorum suorum, confirmavit: sed speciali præterea cautione literas Tractatus & Transactionis D. STEPHANI Regis, ratione binummalis auctionis portorii, pro Se & Successoribus suis, Regibus Poloniæ coronatis, in Comitibus Regni generalibus conclusæ, in omnibus punctis, clausulis, articulis, modis & conditionibus, Cracoviæ Anno 1588. appenso itidem Majestatis Sigillo, approbavit & ratificavit. [N.] Quanquam autem intra quinquennium proximum ad exsolvenda debita, D.

Lit. N.

SIGIS-

SIGISMUNDI AUGUSTI, Avunculi sui, in Civitate  
 Gedanensi potissimum, tam ex publico ærario, quam  
 privatorum facultatibus, in usus Reipublicæ contra-  
 cta, exactionem quandam mercibus hinc inde ave-  
 ctis imponi desideraret, eoq; nomine Civitatis ipsius  
 consensum benignè requireret: nihilominus ab Or-  
 dinibus Civitatis Gedanensis; ut maximè solutionem  
 debitorum æquissimo jure flagitantibus, conquiren-  
 dæ tamen pecuniæ modum nimis gravem & pericu-  
 losum ostendentibus; acceptâ plenioris informatione,  
 tantum abest, ut liquidi juris usum invitis adimi  
 permiserit, ut summâ potius animi moderatione,  
 cum novas rursus Anno 1615. eâ de re deliberatio-  
 nes suscipiendas censeret, sine consensu eorum,  
 qui Portus aliquos habent, nihil certi statui  
 ac determinari posse fassus sit, sententiamq; Civi-  
 tatis Gedanensis, post Tractatum cum Serenissimo E-  
 lectore & Illustrissimis Curlandiæ Ducibus institutum,  
 eo in negotio sibi aperiri per Nuncium suum postula-  
 verit. [O.] Quæ ubi rationibus dissensus sui scripto  
 Responso humilimè expositis, speratæ utilitatis nebu-  
 lam removendo, veterum pactorum consuetudinem,  
 commerciorum commoda & incommoda, vicino-  
 rum Principum & Civitatum odia, deniq; perpetuam  
 & immutabilem portorij conditionem allegaret:  
 [P.] facile Sapientissimus Rex desideriis iustis an-  
 nuït, nec quicquam ulterius innovandum exstima-  
 vit.

Lit. O.

Lit. P.

IN hoc rerum statu, post Divi Progenitoris obitum,  
 Sacræ Regiæ Majestati, Domino nostro clementissi-

VI.



mo, Regale Sceptrum liberis suffragiis delatum est. Quæ cum peractâ felici Coronatione in Comitibus Cracoviensibus Anno 1633. ob singularem fidei constantiam, integritatem, sinceritatemq; & præclara benè merendi studia; in virtutis & meritorum compensationem, Civitatis Gedanensis ornamenta & incrementa clementer promovere vellet, præter generalem Juris Confirmationem solenniter promulgatam, seorsim quoq; omnia ac singula illius jura, privilegia, indulta, libertates, prærogativas, immunitates & receptas consuetudines, nominatim etiam Tractatum Portorii, sive Conventionem, cum Serenissimo olim Stephano Rege Portorii ratione initam, confirmare, ratificare, approbare & renovare dignata, eaq; perpetuæ, veræ, indubiæ & inviolabilis firmitatis robur obtinere debere, sub juramento Regio, in prædictâ felici Coronatione corporaliter præstito, sanctè pollicita est: nec contrariis Rescriptis, quandoque impetratis vel impetrandis, iisdem directè vel indirectè derogari posse statuit: quæ pro injustis, illegitimis ac nullis semper haberi, neq; vim ullam vel validitatem iis attribui voluit, & Confirmationis istius auctoritate definivit. [Q.] Quâ uti nihil certius, nihil solidius, nihil gratius à clementissimo Principe obtineri potuit; ita nihil in rebus humanis sanctius custodire, nihil accuratius observare, nihil efficacius requirere fideles subditos decet.

Lit. Q

In

**I**ntervenere postmodum pacta Regnorum Poloniae & Sveciae, de Induciis vigintisexennalibus publicis, quibus ad tollendas in Terris Prussiae exactiones, belli injuriâ introductas, & recuperandum liberi commercii usum, remedium allatum est, ac disertè cautum, ut vestigalia in eum reducantur statum, & in illud jus, in quo erant antè hoc bellum: ut commercia pristina inter utrumq; Regnum & Provincias subiectas restituantur, & in veteri exercitio conserventur, ab omnibus novitatibus vindicata: ut pro majori securitate, & ne quicquam hisce pactis contrarium à quopiam committatur, Ordines Regni Poloniae & Magni Ducatus Lithvaniae de impediendâ ac præveniendâ quacunque hostilitate fidejubeant: ut Dux in Prussia, Dux Curlandiae & ex Statibus Prussiae Regalis Civitates Majores caveant, se nihil hostile ex portubus suis, adversus Regnum Sveciae, directè vel indirectè, permissuros. [R.] Quod ipsum traditione literarum Reversalium, urgentibus Illmis. DD. Commisariis utriusque Partis, juxta formulam exhibitam conscriptarum, plenum effectum obtinuit. [S.] Unde Civitatibus Prussiae, ut cautioni praestitae bonâ fide satisfaciant, necessitatem impositam esse liquet, ne eo statu & jure, quo ante bellum utebantur, in deterius commutato (quod ante expirationem Induciarum ne quidem cum juris proprii renunciatione fieri possè sentiunt) in nova onera actionea,

Lit. R.

Lit. S.

In



lonea, prioribus non dissimilia, imò perpetuitatis respectu graviora, consentiant: sed quicquid contra tenorem pactorum à quopiam committi vident, quod in hostilitatis speciem cadere potest, directè vel indirectè, omni ratione & curâ præcavere, atq; indemnitati & quieti Patriæ consulendo, almæ Pacis fructum, vix dum delibatum, constanter & inconcussè retinere studeant. Quà de re primarius Regni Sveciæ ad Tractatus præteritos Commissarius, communi nomine, Civitatem Gedanensem ante biennium per literas monuit, ne novis difficultatibus Regna iuvolverentur. [T.]

Lit. T.

**II X.** Nemo præterea aliam esse pactorum mentem sibi persuadere potuit, cum non solum Domini Legati Mediatores haud obscurè idem affirmarent, & futuris incommodis declinandis prudenter occurrendum arbitrarentur: sed ipsa quoque Sac. Reg. Majestas, Dominus noster clementissimus, sub initium anni proximè elapsi Gedani subsistens, apertè significaret; quòd iidem externorum Principum Domini Legati id sibi caverint, ne ex portu Gedanensi antiquam exactionem triginta & trium grossorum, cum solido uno, à centum florenis, nova viginti sex grossorum, cum duobus solidis (quæ conjunctim duos de centenis florenos, vigore specialium pactorum tempore Induciarum conficiebat) perciperetur: Ideoque eâ exactione, restitutâ jam tranquillitate, supersederi, & nihil amplius, excepto duntaxat, quod ab antiquo ante bellum Prutenicum in Portorio exigebatur, tam à civibus quàm externis mercatoribus & nautis exigi  
seri

feriò mandaret: quod quidem jam antea ad pactorum normam reapse erat accommodatum. Interim licet S. Reg. Majestas, cessante exactione Svecicâ, in Portubus Prussiæ vectigal aliquod maritimum ad biennium saltem affectaret, atqve hoc institutum suum, tanquam à publico Bono ac necessitate profectum, Gedani per Edictum publicari desideraret: quod pacis & tranquillitatis causâ, ad avertenda damna & incommoda, quæ ex belli renovatione & prosecutione circa Mare Balthicum provenire & resurgere, ac in posterum augeri potuissent, in eas condiciones descendisset, quæ aliàs Statui, Dignitati rebusque suis graves essent: eamque ob rem in vicem gratæ erga Se testificationis & remunerationis alicujus loco telonium moderatum (cujus etiam respectu ad tot annorum Inducias, rejectâ suâ per idem tempus hæreditarii Regni præensione, faciliùs processerit) Se accepturam, temporumque ac bellorum iniquitate gravia introducta telonia, & interrupta cum cæteris Regnis ac Rebuspublicis commercia, & liberas hinc inde navigationes, in antiquum statum paulatim restituturam eodem Edicto declararet: attamen hæc non minus speciosè commendata, quàm severè imperata exactio (utut temporaria, extraordinaria, & ex bello quasi nata, juri perpetuo, ordinario, & solo gratitudinis nomine aliquantum suspenso, nil derogatura, sed cautionibus adhibitis primariam libertatem



Lit. V.

tem brevi reductura videretur) non potuit recens par-  
ta Pacis primitias non præter spem acerbiores redde-  
re: adeoque attentis rerum circumstantiis, jurium  
præjudiciis, commerciorum damnis, securitatis peri-  
culis, variisque negotii difficultatibus, ad clementiam  
S. Reg. Majestatis confugientibus Ordinibus Civitatis  
Gedanensis, humilimè supplicandi, & singulari fidu-  
ciâ victoriosum Regem, sed pacificum; felicem, sed  
moderatum; potentem, sed benignum; per Deputa-  
tos suos compellendi causam præbuit: [ V. ] usque  
dum post aliquot dierum tractationes, quibus jura &  
privilegia publicè cognita, nullatenus in dubium vo-  
cata sunt; sed ex bellorum reliquiis & durationis ter-  
mino necessariæ excusationis occasione, depromptâ,  
quovis gratificandi obsequio tanti beneficii magnitu-  
dinem potius æstimandam, quàm nimis scrupulosâ  
libertatis allegatione indignationem Benefactoris in-  
currendam esse, replicatum fuit; (quâ de re Illustris-  
simorum Dominorum Senatorum & Commissario-  
rum ejus temporis memoriam & conscientiam, DEO  
teste, appellare licet) eò tandem perventum est, ut  
S. Reg. Majestas, alio gratitudinis genere contenta,  
precibus ac desideriis æquissimis annuendo, jura &  
privilegia quævis integra & illæsâ permanere jussit:  
Ordinibusque præfatis, etiam supra vires ex calamito-  
so bello reliquas, obsequentiissimi affectus promitu-  
dinem contestari paratis; & grandem pecuniæ sum-  
mam, qualem hîc nunquam antea unâ vice simul ex-  
pensam esse innotuit, salvis omninò juribus ac liber-  
tatibus suis & inprimis portorii Pactis reservatis, con-  
tracti aris alieni adminiculo offerentibus; immunita-  
tis cum

ris cū Terris Prussiae generaliter, tū specialiter Ci-  
uitati Gedanensi competentis, benignissimam ratio-  
nem habere dignata, vectigalis istius exactione super-  
sedendum, Regioq̃ve Rescripto libertates & Pacta por-  
torii denuò clementissimè conservanda & confirman-  
da duxerit: [ X. ] quæ quacunq̃ve telonii novi acces-  
sione salva & inviolata esse nequeunt. Quare insigni  
errore ducuntur, qui ex biennii postulatione (cujus  
tamen decursum, assertioni suæ contrarii, præmatūrè  
antevertere ausi sunt,) interpretationem capiendam  
esse censent, vel lapsu temporis obligationem Regiam  
extingvi putant. Ecquis enim perpetuum onus subi-  
re facilius existimet, quàm temporaneum? aut hoc  
magis officere potuisse credat juribus & privilegiis,  
nullā adhuc vi impugnatis, quàm istud contra morem  
& instituta Majorum invitis impositum? Ecquis et-  
iam pecuniariā impensā multoq̃ve labore sollicitè im-  
petrare conetur, ut juris indubitati ac immutabilis præ-  
rogativa brevissimo temporis exitu terminetur? quod-  
q̃ve conditionibus propositis quodantenus circumscri-  
bi, vel interruptā possessione debilitari æquum non  
fuerat, id totum paulò post amittatur? Ecquis deni-  
q̃ve S. Reg. Majestatem, dum Se fidelium subdi-  
torum salutem Regiā clementiā promoverè,  
eosq̃ve uberioris gratiæ testimonio ad perpe-  
tua benè merendi obsequia alacriores reddere  
velle profitetur, testis verborum involucris aliud  
quicquā recondere, & sub conservationis promissio-  
ne omnimodam juris conversionem & interitum acce-  
lerare voluisse, sine piaculo affirmare ausit? Quæ o-

Lit. X.



omnia secus se habere, & recta ratio docet, & præcedentis petitionis cum sequenti declaratione collatio, non biennali spatio definita, sed liquidi juris respectu & vitandæ novitatis studio subnixâ, perfectè demonstrat. Neque verò certitudinem ejus minuit, quod sine Reipublicæ omniumque Ordinum consensu, per Rescriptum Principis liberam telonii statuendi potestatem Comitibus præclusam non esse obtenditur: quippe cum nullum novæ concessionis beneficium contineat, sed à vetusta privilegiorum sanctimoniâ dependeat: quæ legitimum eo tempore initium habuerit, quo optimum Reipublicæ statum fuisse Illustrissimus Carnovius quondam prædicabat, dum omnia regebantur à Regibus ex sententiâ Senatus; adeoque Regis & Reipublicæ rationes nondum separatæ vel distinctæ erant: quorum observantiam cum Serenissimi Reges, ex Comitiorum placito, solenni jurisjurandi formulâ spondeant; nihil magis utique legitimæ eorum potestati congruit, nihil magis ad gloriam & splendorem Majestatis Regiæ pertinet, quàm tuendis & propagandis juribus antiquis auctoritatem suam impertiri, & pernicioso novandarum rerum metu subiectos sibi populos liberare.

**IX.** **Q**Uod ubi solitâ æquanimittate S. Reg. Majestatis Civitati Gedanensi obtigisset, & machinationes malevolorum incassum abiissent, nondum tamen cessavit Spiringiorum iniquitas & insolentia, qui jam dudum à D. SIGISMUNDO III. infami nomine notati, sub specie Repressaliarum magna damna per vim atque injuriam Gedanensibus intulère; & post

& post pactas Inducias publicas, in controversiâ hæreditariâ Civitati Gedanensi temerè intentatâ, Justitiæ & æquitatis rationibus non admissis, privatam quietem depacisci noluere, [ Y. ] Hi igitur famosissimi publicani, cum jam semel ingenti spe excidissent, virulento in Gedanenses odio turgidi, ut poenitendam licentiam, exactionum Svecicarum præfecturâ usurpata, suo more reducerent, ac sparso dissensionum semine ex communi calamitate lucra immensâ compendifacerent, indulgentiâ S. Reg. Majestatis perpetuam abusi, clementissimum Ejusdem animum adversus fidelissimam Civitatem invidiosè pariter ac insidiosè concitare allaborârunt. Quorum versipellis industria, in omnes rerum occasiones vaferrimo astu intenta, quò blanditur curiosius, eò vehementius nocere pergit: & dum falsâ utilitatis commendatione palpum nonnullis obtrudit, occultâ fraudis cogitatione explendæ vindictæ technas promit, aureamque libertatem aureo hamo inescare subdolè molitur. Sic nempe commonstratâ per hostiles vectigalium frequentationes ditescendi facilitate, novas ærarii locupletandi formas cudere, & abrogati telonii restauratione, quo nullum erat in ipso bello gravius Reipublicæ malum, belli exactionis novæ architecti & administri ad proprium redire genium, pacisque & immunitatis redditæ serenitatem commentitii commodi fuligine obfuscare palmarium rati sunt. Quod si non aliâ de causâ invisum & intolerabile novitatis genus visum esset, ( uti reverâ altioris indaginis consilia & actiones inusitatae suspicionibus atque offensionibus apud externos

Lit. Y.



carere nequeunt) hoc solo nomine portentosum & scaturientis infortunii plenum cenferi meritò potuit.

**X.** **U**T autem authoritatis publicæ suffragia meditato operi accederent, patrociniis potentiorum, quocunque modo quæsitis, prætextum legis Comicialis nacti, festinatâ executione rem imperfectam ad effectum deducere, & navibus ad portum Gedanensem collocatis die 5. Octobris exactionis maritimæ de mercibus ultro citroq; devehendis initium facere Novatores, ambizioso Regij Thesaurararij titulo superbientes, non dubitârunt. Quod quàm ritè & legitimè factum sit, operæ pretium est dispicere. Cum enim post Conventionem generalem Regni, irritò eventu celebratum, extraordinaria Comitia rursus hoc anno indicta erant, quibus per modum Constitutionis, ad proventus vestigales ex dominio maris comparandos, cum universonum Statuum consensu in eundas esse rationes certas placuit: expressè simul cautum fuit, ne quid libertatibus, tam Equestris

**Lit. Z.** **O**rdinis quàm Civitatum, derogetur. [Z.] Quibus inhærentes DD. Nuncij Palatinatum Prussiæ, pro fide suâ & amore Patriæ, affectationi insperatæ constanter, cum plurimis aliis, non solum reclamârunt; sed etiam circa conclusionem ipsam, quando contra legem publicam, Anno 1633. promulgatam, coram Sac. Reg. Majestate & Senatu Regni Constitutio isthæc, deficiente communi consensu, prælecta est, juribus Terrarum Prussiæ eam refragari disertè testati sunt; ac denique dissidentium contradi.

traditionibus, magis tædio nocturnæ moræ, quàm liberâ voluntate, partim conquiescentibus, partim re indecisâ domesticis consultationibus ulteriorem declarationem reservantibus, negotium hoc telonij ad Status & Ordines Prussiæ, in Conventu postcomitiali congregandos, referendum sibi sumsere. Qui deinceps, evidentissimis rationum momentis ad animum revocatis, dissensum suum, in Responso S. R. Mtis. Nuncio publicè dato, apertis verbis iteratò manifestârunt. [Aa] Jam verò, quoniam juxta Incorporationis privilegium, omnes causæ notabiles, dictas Terras concernentes, cum communi Consiliariorum, Spiritualium & sæcularium, Nobilium & Civitatum Majorum, consilio terminari, tractari & diffiniri debent, nemini dubium esse poterat, in causâ tam notabili & arduâ, universali consensu destitutâ, sine maturiore deliberatione nihil prorsus attentatum; sed ex præscripto pactorum Portorij, si quid mari gerendum foret, Civitatis Gedanensis, quæ maritimâ expeditione maximè præ cæteris afficitur, æquam rationem habitum iri. [Bb] Nam & diversæ D D. Senatorum literæ, plenius de toto negotio in futuris Comitijis agendum esse, significabant: & notoriæ consuetudinis fiducia, quæ nulli vel Provinciæ, vel Palatinatui, vel Territorio, invitis ejusdem incolis, onus aliquod imponi patitur, summamque & caput quodammodo communis libertatis attingere videtur, moræ necessariæ remedium

Lit. Aa.

Lit. Bb.



medium suggerebat: & contra omnes juris rationes tributo Terras & incolas Prussiæ gravari, in quod nunquam consenserunt, Rescripti Regij autoritas declarabat: [Cc.] quo non modo à solutione contributionis ad Fordanum, in Poloniâ sancitæ, exemptas eas fuisse patet; sed quoque institutam olim exactionem illam ad album montem, in Palatinatu Mariæburgensi Vistulæ adjacentem, tolerari non potuisse, supremi Regni Thesaurarii testimonio ostenditur. [Dd.] Nihilominus tamen in scijs ac invicis Terrarum Prussiæ Consiliarijs, præteritaq; Civitate Gedanensi, in vicino Olivensi Monasterio initiatos novi telonij Præfectos nauticæ exactionis potestatem arripuisse, inopinata fama nunciabat. Unde turbato consultandi ordine ac ritu consveto, pleraque alia ob facti inconvenientiam statu suo deturbata ancipitem periclitantis fortunæ successum præstolari necesse erat.

**XI.** **E**X quibus omnibus strictim commemoratis facile colligi potest, Civitatem Gedanensem, rerum novarum discrimini potissimè obnoxiam, in istâ animorum consternatione & repentini casus angustijs ad sui conservationem naturaliter propensam; ne prævaricari videretur in causâ comuni, vel propriam salutem segniter prodere, atque intempestivâ submissione juri publico præjudicare, vel fidem cautionis suæ, Regno Sveciæ datam, negligenter prostituere, pacisq; recuperatæ commoda & irrecuperabilem commercij libertatem minus æstimare, ac damnosæ poenitentiae poenas

poenas ultro incurrere; prægnantissimis rationibus  
compulsam esse, ut clementiâ S. R. M.<sup>ti</sup>s humilimè  
imploratâ, retinendæ possessionis curam sollicitissimè  
moderatissimeq; agens, negotiationis solitæ jacturam  
inevitabili necessitate admitteret, ac solenni protesta-  
tione interpositâ, se ab omni culpâ vacuum & immu-  
nem demonstraret. [ E e ] Enimverò salvâ sub-Lit. Ee.  
jectionis fide, S. R. M.<sup>ti</sup> Domino suo clementissimo  
debitâ, nec non perpetuo incorporationis jure illæ-  
so, qvo inclyto Poloniæ Regno se conjunctam agno-  
scit, ceu fidele ac inseparabile liberæ Reipublicæ mem-  
brum, fontem calamitatis publicæ obstrui satius ex-  
istimabat, ne majoris periculi rivis emanantibus Pa-  
tria miserè demergatur; quàm laxato salutis con-  
cordiæ repagulo varijs turbarum molestijs fores pan-  
di, unde prorumpentes, domi forisq; noxias, con-  
tentiones & dissidia exitiale malorum agmen conse-  
quatur. Imò sanè oportebat eos, qvi inter Consi-  
liarios Terrarum Prussiæ condignum locum occu-  
pant, pro Republicâ liberè consulere, & secundum ju-  
risjurandi religionem, qvo tuendis juribus & com-  
modis Terrarum Prussiæ æqvè ac fidei servandæ a-  
stringuntur, intemeratas conscientias tremendo Dei  
judicio offerre; partumq; virtutis & integritatis de-  
cus simili constantiâ in cunetis officij sui partibus ad  
posteror transmittere, nec placendi studio privilegi-  
orum charitatem ab obsequij gloriâ divellere: quæ  
tùm demum blandâ benevolentiae conspiratione ad  
diuturnitatem vergit, cum nullius ingratijs recto tra-  
mite incedere licet, & priscâ morum simplicitate ob-  
temperandi voluntatem jurium necessitati attempe-  
rare.



Lit. Ff.

rare. Occurrebat insimul tristis memoria speculato-  
rum, navibus quibusdam, non vestigialis exigendi,  
sed commercij ab hostibus divertendi causa, testan-  
tibus literis Regiis, [Ff.] quondam mari Balthico ob-  
ambulantium: quorum infestis actionibus ostij Ori-  
fundici in Regno Daniæ transitus adeo difficilis red-  
ditus est, ut post detentas ibidem naves mercesq; Ge-  
danensium, alieni facti poenas luentium, Civitas ipsa,  
tantæ difficultatis mole pressa, proprijs viribus c-  
luctari, & centenjs Thalerorum millibus illorum  
vice noxam expiare insons cogeretur. Quia adhuc  
recens exorti gravaminis exemplum omnium oculis  
obversatur, quo Regiarum navium intuitu, Wilma-  
riam Ao. 1628. emissarum, præter bonorum confi-  
scationes, duplicati telonii onus in Civitatem Geda-  
nensem, nullius delicti, imò nec consilij navalis con-  
sciam redundavit: cujus liberationem frequenti S. R.  
M.<sup>tis</sup> intercessione & excusatione, per literas & Lega-  
tos exposita, nondum obtinere, nec continuis solli-  
citationibus suis, etiamnum durantibus, innocentia  
fructum reportare valuit. Cæterum quæ aliorum  
transmarinorum Regum ac Rerumpublicarum de præ-  
judiciali hoc telonio futura sit sententia, cogitatione  
facilius concipere, quàm verbis exprimere juvat: nisi  
quòd conditiones confectæ à se pacis Prussiacæ insuper  
habitas, violatæ amicitia indicium arguent; atq; inde  
fatalis cujusdam infelicitatis [absint præfagia veri] si-  
gnum datum esse intelligent. Quocirca prædictæ Civi-  
tati sedulâ & accuratâ circumspeditione in tantas rerum  
vicissitudines opus esse nemo inficias ibit, qui sine præ-  
judicio iudicium ferre, & serpentis odij contagione ab-  
stinere

stinere volet: non quòd thesauri Regij amplificandi me-  
dia spernat, aut emolumenta privata publicis incremen-  
tis praeferat; sed quòd novorum reddituum inventio-  
nes, ordinatè ac legitimè, sine alterius læsione & in-  
juriâ adornari oportet; solové pecuniæ lucro vanam u-  
tilitatis spem metiri, ac dubiam Fortunæ aleam auda-  
cter nimis experiri, minus probabile tutumq; videat;  
atqve idèò subitæ mutationis gravamen, citius quere-  
lâ corripendum, quàm medelâ corrigendum, in se reci-  
pere detrectet: neqve etiam quòd maris dominium  
impotenter sibi arroget, cujus sublimitatem & supre-  
mam eminentiam Sac. Reg. M.<sup>ti</sup> lubens meritoq; de-  
fert; sed quod ex conventionis mutuæ dispositione  
in jure maritimo, quæq; illi affinia sunt, quæ  
Civitati competunt, secundum tenorem Ca-  
simiriani Privilegij perpetuò conservari, inq;  
juris ejus plenâ ac pacificâ possessione & usu,  
uti hætenus fuit, deinceps etiam absque ali-  
quo præjudicio vel impedimento relinqui cu-  
piat: [Gg.] cujus vigore plenariam facultatem ha-  
bet, omnes & singulas navigationes cum o-  
mnibus littoribus maris Terrarum Prussiæ re-  
gendi, disponendi & gubernandi: nec non o-  
mnes velificationes mandandi & prohibendi,  
cum consilio, scientiâ, & voluntate Reg. M.<sup>tis</sup>  
vel Vicesgerentis in absentia ejus: ita tamen,  
ut nulla telonia & gravamina imponat, abs-  
que scitu & voluntate Reg. Majestatis, citra

Lit. Gg



præjudicium tamen & derogationem ullam  
Privilegij Petricovię concessi: (quod plenam  
Regiam potestatem ei tribuit, collectas de omnibus  
bonis & mercimonijs intra Civitatem, pro temporis  
rerumq; exigentiâ & beneplacito suo, imponendi ac  
deponendi) item omnia maritima jura, nau-  
fraga bona atque commercia, qualiacunque  
ea sint, dijudicandi, decernendi, & definien-  
di: reservato jure Regio in bonis naufragis,  
juxta contenta Privilegij principalis Terrarum  
Prussię Cracovię dati: & omnia littora ac por-  
tus maris dominij Regij Terrarum Prussię, si-  
ne cujusvis interpellatione & impedimento,  
contra omnes pyratas, prædones, fures & ma-  
leficos, in aquâ & littore tuendi, administran-

**Lit. Rh.** di, eosq; judicandi. [Hh.] Quo de jure longos  
sermones retexere, & ingrata è situ ac pulveribus re-  
ferre certamina, nihil refert; postquam prava obli-  
teratæ commissionis interpretamenta jampridem re-  
jecta, & obsoletis controversiarum reciprocationibus  
per pacta Portorij silentium indictum est: quæ si quo-  
viscunque prætextu labefactari, & ex certis incerta red-  
di debeant, quid tandem in vitâ humanâ firmum ac  
stabile futurum sit, vix apparebit amplius; sed si in  
uno fas putetur, quenquam citra culpam & meritum  
jure suo exui & privari, omnium consequenter simi-  
lem rationem haberi necesse erit, & privilegiorum  
ac libertatum usus in posterum faciliè cessabit & eva-  
nescet.

Plura

**P**Lura quidem ad detegenda affectati telonii vitia,  
& discutienda sinistrae opinionis nubila adduci  
possent: ast quia æquis rerum æstimatoribus ad Ve-  
ritatis, à multis forte ignoratæ, & Innocentiæ, à pau-  
cis certè impugnatæ, cognitionem sufficere qvæunt  
producta Jurium ac Privilegiorum monumenta; &  
Actorum publicorum genuinæ narrationes digna  
attentione monita suppeditant; uberiore informa-  
tione supersedendum, & bonæ causæ confidentiâ,  
qvod reliqvum esse poterat, sagacioribus ingenijs vel  
temporis opportunitati concedendum esse præsentis  
instituti ratio svadet: qvæ ab optimo animorum af-  
fectu & innato Patriæ amore profecta, modestam  
libertatis defensionem ad nullius injuriam pertinere,  
nec reprehensionis notam mereri augurans, remisso  
posthac vestigalis in Prussia constituendi desiderio,  
mitiorem afflictis sortem, & almæ Justitiæ, veræ  
utilitati, ac tranquillæ securitati parem consili-  
orum progressum, melioris sententiæ  
arbitrio pollicetur,

**XII.**



**Documenta**



*[Faint, illegible text block]*

*[Small red mark]*

I

L

P

f

u

a

I

r

b

d

c

h

# Documenta

In præcedenti Informatione allegata,  
immunitatem Terrarum Prussiæ à novis  
teloniis, dictorumq; veritatem  
confirmantia..

## Lit. A.

Extractum ex privilegio Culmensi, ab Anno  
1237. in fine.

**A**bsolvimus etiam totam Terram prædictam  
ab omni penitus telonci exactione. Et ne  
præmissa Constitutiones, promissiones ac pactiones ab aliquo  
successorum nostrorum infringi valeant aut mutari, præsen-  
tem paginam conscribi fecimus, eam bullarum nostrarum  
appensionibus roborando. Hujus rei testes sunt &c.

## Lit. B.

Compositio causæ de Phalgeldo  
Anno 1341.

**N**os Frater Theodoricus Burgravius de Aldenborg, Ordi-  
nus Domus Teutonice Hospitalis Sanctæ Mariæ in Hie-  
rusalem generalis Magister, Universis harum notitiam ha-  
bituris, fore notum cupimus, & publicè profiteamur, quod  
dissensio seu discordia, quæ inter fideles nostros, honorabiles  
& discretos viros, Cives in Elbingo ex una, ac Cives in  
Danzig parte ex alterâ, ex parte pecunia, quæ Pſalgeld in  
a vul.



vulgari dicitur, vertebatur, in praesentia nostri & fratrum  
nostrorum hoc modo est complanata & sopita, videlicet,  
quod praescripta pecunia, Pfsalgeld vulgariter nominata, pro-  
veniens de bonis, quae in Balgam pervenerint, Civibus in  
Elbingo, & pecunia etiam Pfsalgeld dicta, proveniens de  
bonis, quae supra Vislam pervenerint, Civibus in Dantzig  
debet perpetuo cedere ac derivari. In cuius rei evidentiam  
& memoriam perpetuam sigillum nostrum praesentibus est  
appensum. Datum & actum in Dantzk Anno Domini  
M CCC XLI. feria 4. ante Dominicam Palmarum Huius  
rei testes sunt, Honorabiles & Religiosi Viri, Fratres no-  
stri in Deo dilecti &c.

• Lit: C.

Extractum ex Privilegio Terrarum Prussiae, quod Incorpo-  
rationis vocatur, dato Cracoviae  
Anno 1454.

**S**ilencio regere non possumus, injuriam Magistri & Or-  
dinis in exigenda à mercatoribus subditisq. nostris Da-  
cia Pfsundzol: qua licet ex fœdere exigi à nostris transma-  
rinisq. mercatoribus non debebat, si Prussia mercatores ab  
illa solvi quoquo modo contigisset, continuata tamen fuit  
pluribus annis huiusmodi in nostris transmarinisq. mercato-  
ribus exactio, Prussia mercatoribus illius obtinentibus in  
notabili parte relaxationem.

Ibidem post interjectos aliquot articulos.

**V**T autem nostra liberalitatis, aequitatis & Justitiae dex-  
tram his subjectionis eorum & nostra acceptionis fe-  
licibus, dante Domino, primitis sentiant in universos &  
quem.

quemlibet eorum effusam. Et in mutatione Principum commutatam etiam Et sublatam deprehendant oppressionem, Daciam, quæ in vulgari Pfundzol dicitur; item alia omnia telonea in aquis Et terrâ, novâ aut antiquâ observantiâ, in Terris duntaxat predictis Prusie quomodolibet constituta; item in Terrâ Pommerania exactionem sive Daciam, quæ Porcus, alias Narzasz, veteri institutione Ducum Pommerania vocabatur; Regiâ munificentiam tollimus, abrogamus, deponimus, ac solutionem illarum perpetuis temporibus resolvimus, dimittimus Et relaxamus: nullo unquam tempore per Nos aut successores nostros, Polonie Reges, ex quacunque causa aut occasione instituentem aut imponendam.

In fine ejusdem Privilegij:

**I**tem mercatoribus Terrarum predictarum Prusie, in Regnum, Ducatus Et Dominia nostra venientibus, hanc libertatem Et prerogativam de cetero volumus conservari, ut quoties illos in quacunque loca, Civitates Et oppida Regni Et Dominiorum nostrorum venire cum mercibus eorum, cujuscunque speciei vel maneries existant, contigerit; licitum erit eis hujusmodi merces in loca, testudines Et cameras Et tecta, quarum illis libera præstari debet arrendatio, deponere, Et pro suo arbitrio exponere in venalitatem: Stratasque omnes versus Hungariam, Russiam, Moraviam, Slesiam, Austriam, Saxoniam, Wallachiam, liberas habebant, depositis tamen, teloneis Et stratis antiquis Civitatum Regni Et Dominiorum nostrorum semper salvis.

Lit: D.

Ex reciproca sponfione Terrarum Pruffiæ. eodem  
Anno Thorunu datâ.

**P**romittentes pro nobis, heredibus & successoribus nostris, sub fide & honore, ac onere per nos prastiti iuramenti, quod prasato Illustrissimo Principi, Domino Casimiro Polonia Regi, & ejus successoribus, Regibus Polonia, velut fideles & subiecti, quemadmodum ceteri ejusdem Regni incolæ, parebimus, auscultabimus, obediemus, fideliter & constanter, perpetuò & in ævum, Juribus nostris semper salvis.

Lit: E.

Ex privilegio Regis Casimiri Civitati Gedanensi Anno 1457.  
Germanico Idiomate, uti pleraq; alia, concessio.

**W**sch so wollen wir die genümpften unsern lieben getrewen mit sulcherer gnade vnd gunst belehnen vnd in krafft dieses briues vorleihen vnd geben / Das kein newe Zoll oddir beschwerunge vß der Weißel noch vßm Lande in allen zukommenden zeitten gemacht / vnd wß sie geleget soll werden / Als der Hauptbrief und die handfeste / zu Crakaw Landen und Sterten unser Lande Preussen vorlegen und gegeben / innehelt und wßdrucket.

Lit: F.

Ex pace perpetuâ cum Magistro Pruffiæ initâ  
Anno 1466.

**I**tem quoniam per Mercatorum industriam & rerum  
vencalium importationem Respublica notabile accipere



consuevit incrementum, statuendo decernimus & spondemus, quod nulla telonea, deposita, gabellas, foralia, siue quascunq. alias censuationes, locis & personis, in Regno nostro, Principatibus & dominiis nostris & Regni nostri, imponemus de novo, aut imponi permittemus, tam in Terris, quàm in aquis; sed tantummodo utemur impositis. Quod idem Dominus Magister Ludovicus, Successores sui, Commendatares & Conventus, in Terris Prussiae suis observabunt.

### Lit. G.

Ex privilegio Regis Casimiri Anno 1476. Terris Prussiae  
Mariæburgi dato.

**A**B omnibus etiam oneribus ac Daciis inconsuetis, quibuscunq. appellentur nominibus, quas Magistro & Ordini de bonis eorum dare cogebantur, ipsos libertamus.

### Lit. H.

Ex pace perpetuâ & pactis feudalibus cum Duce Prussiae  
Anno 1528.

**I**tem nulla telonea, depositiones, vel alia gravamina in Terris Prussiae contra antiquam consuetudinem & privilegia ab ullâ partium institui debent, sed vetera telonea permanere. Si autem ab alterutra partium, à tempore Transactionis Regis Casimiri, telonea essent instituta, ea quoq. hinc inde abrogari debent.

# Lit. I.

Edictum Vniversale D. Sigismundi Augusti, Anno 1572.  
promulgatum.

*Zygmunt August z Bozey łaski Krol Polski,  
Wielki Xiadz Litbewski, Ruski i ru-  
ski Mazewecki Zmoczki Etc. Pan  
y Dziedzicz.*

**V**V Sithkiem wobecz y kazdemu z osobna,  
ktoregoś kolwiek stanu, dostoiensstwa y  
Vrzędu będącym, Woiewodom, Castellanom, Sta-  
rostom, Dzierżawcom, Namiesznikom, Woitom  
Burmisłrżom, Lawnikom y Raicom, wszytskich  
Miastr naszych, tak też Mytnikom y Celnikom  
wselakiem, od nas y Rzeczyposp. postanowionem po  
wszytskich państwach naszych, a mianowicie, Vro-  
dzonemu y Szlachetnemu Jacubowi Rokosłowskiemu,  
Podkomorzemu Poznańskiemu, Starosćie O-  
sreśłowskiemu, y Cel naszych przez mala y wielka  
Polskę, Constantemu Corneademu z Candiey ziem  
naszych Ruskich Celnikom, a wniebytnosci ich samich  
sprawcom, Pissarzom, sługom, y strozom od nich po-  
stanowionem, szczerze a wiernie nam miłem, i. skę  
naszę Krolowska. Wielmożni, Vrodzoni, Szlachetni  
y Sławni, szczerze a wiernie nam miłi. Skarzyli  
się przed nami Mieścianie y Kupcy pospolitezi Mia-  
sta naszego Gdanjskiego, iś Mitnicy y Celnicy naszy,  
muda-

niedbając nic na ich wolności przez przedki nasze y  
nasz same im nadane, Ktemu nic nie dbać na  
Decret przez nas wtey rzeczy świezo uczyniony ;  
y na list Mandatu naszego do nich danego, Kto  
remi od placenta wpszałkiego cła y mytha od  
rozmaitych Kupie sz wolności uczniowi / od nich  
y od Kupie ich cła abo mytha wybierać chcą y sa-  
cować się im kaza: A tak ismy jesteśmy na tym  
aby Każdy przy swoy wolności zdawna na-  
danych zachowan był / ponieważ każdego przy  
prawie / wolnościach jesteśmy powinni zachow-  
wać. Roskazuemy Vprzeynosciam y W. W.  
chcąc to mieć Koniecznie, is iako skoro ten list nasz  
W. W. okazan będzie, zebyście przerzeczone  
Mieścżany y Kupce Gdanjskie przy ich wolno-  
ściach zachowali / y żadnego cła a ni mytha od  
Kupie ich wpszałkich nie wybierali / ani Towarow  
ich nie hamowali, sacowali, y wybierać, hamować y  
sacować, y popisować nie dopuszczali, y chociaby-  
ście iuż niektore Thowary ich zahamowali, szaco-  
wali y nieco na nich wyciągneli byli, takowe wysy-  
stkie abyście im wolno puscili, y to coście na nich  
wyciągneli, onym przywrocili. Nicogladać się  
na pierwsze listy nasze, przeciw takow y wolności ich  
przedtym wydane, y ktoreby potym od nas albo z  
Cancellaricy naszej wydane były y bydz mogli,  
Ktore iuż wtey mierze / iako prawom ich y De-  
cretowi



cretowi naszemu przeciwne/ ex nunc podnasia-  
mi y mieysca zadnego nigdzie niemajace de-  
claruiemy &c. Pod nielaska nasza abyscie  
inaczey nie czynieli. Datum Warszawie Dnia  
siodmego Miesiaca Luthego, Roku Panskiego  
M D L XX II. a panowania naszego Roku  
XLII.

Sigismundus Augustus  
Rex spt.

Lit. K.

Ex Responso Regio, Internunciis Civitatis Gedanensis, Specta-  
bilibus, Iohanni von der Linden Præconsuli, Conrado Lemb-  
ken Consuli, Henrico Lembken Ejusdem Civitatis Syn-  
dico, dato Grodnæ die IX. Mensis Februarii,  
Anno Domini M. D. LXXXIV.

**C**um in negotio Portorii post multiplices superioris tem-  
poris cum Sacra Regia Majestate tractationes iteratò  
Civitas Internuncios suos ad Eam miserit, rationesq; quas-  
dam proposuerit, quas ut benignè amplecti, Civitatig; con-  
cedere dignaretur, supplicibus verbis sæpè multumq; à Sacra  
Regia Majestate contenderet, quò negotius hisce finis tan-  
dem imponeretur, commodaq; atque ornamenta Civitatis  
summa sibi cura esse testificaretur, non invita sanè assensa  
eandem Sacra Regia Majestas est, ut quantum ejus fieri pos-  
set, suam erga Civitatis ejus Ordines clementiam demon-  
straret, omnibusq; de rebus, de quibus hæcenus actum esset,  
hujus-

*huiusmodi, quæ sequuntur, verbis scriptum Privilegium Civitati concedendum existimaret.*

Finitis concepti Privilegij verbis subicitur.

**Q**ua cum omnia, præterquam quod pro suâ clementiâ concedenda Civitati Regia Majestas existimet, ab æquitate etiam non aliena iudicet, cum adhuc propter infrequentiam Senatorum nihil hisce de rebus ex Senatus auctoritate constitui potuerit, quò id etiam in publico proximo Regni Conventu fiat, atq; Senatus etiam consensum suum eam in rem præstet, auctoritate sua & motu proprio efficiet. Quod si tamen horum aliqua rata habita tunc non fuerint, utraque quoque pars ad totam hanc formulam transactionis præsentemq; tractationes amplius obstricta & obligata esse non debeat: exactio quoque aucti portorij ipso facto cessabit, nec ulterius procedet. &c.

### Lit. L.

Ex Actis Majoris Cancellariæ Regni, sub Anno 1585.  
ubi sequentia extant.

**A**nno Domini Millesimo Quingentesimo Octuagesimo Quinto, die Vigesima sexta Februarij. Illustris & Magnificus Dominus Regni Cancellarius, Mandatu Regiæ Majestatis Privilegium in Senatu, ac deinde per Commissarios Senatores, à Regiæ Majestate ac Senatu deputatos, antiè examinatum, dedit in Senatu Gedanensium Oratoribus, Spectabilibus Reinholdo Molnero Praconsuli, Iacobo Schelle Consuli & Henrico Lembkie Iuris Viri usq; Doctori, Syndico: Quod hoc loco inserere visum est. In nomine Domini. &c.

b

Lit. M.

## Lit. M.

Ex Privilegio Tractatum portorij in Comitijis  
Anno 1585. approbato.

*IN NOMINE DOMINI AMEN.*

*Ad perpetuam rei memoriam. NOS STEPHANVS  
DEI gratia Rex Polonia, Magnus DVX Lithuania,  
Russia, Prussia, Masovia, Samogitia, Kiovia Volhi-  
nia, Podlachia, Livoniaq; nec non Princeps Transyl-  
vania.*

*S*ignificamus presentibus literis nostris, quorum intere-  
re & intererit in posterum, universis & singulis. Quod cum  
per plures jam annos, & vivo adhuc Prædecessore  
nostro, D. Sigismundo Augusto Rege, de auctione por-  
torij, (quod Phalgeldum vulgò vocant) Civitatis nostra Ge-  
danensis, quam Eidem prædecessori nostro Civitatis ejus Or-  
dines per certos Commissarios, tum ad eam Civitatem mis-  
sos, secundum quandam placationis formulam sub Ordinum  
Sigillo communiter editam, promiserant, multum ac sæpius  
hinc inde disceptatum controversum ac tractatum fuisset:  
quod Civitatis ejus Ordines prætenderent, non simpliciter  
neg. purè auctionem eam prædecessori nostro pro-  
missam, sed certas conditiones temporis, vel vitæ  
ipsius Regis adjectas, & gravaminum itidem, qui-  
bus Civitas afficeretur, abolitionem simul & con-  
junctim exceptam fuisse. Ideoq; cum ex parte prædeces-  
soris ea conditiones defecissent, insuper etiam per superio-  
rum temporum rationem alie difficultates incidissent, quo-  
minus ea auctio effectum sortiretur, ne dum ut ipsi  
grava-



gravaminibus tum propositis liberarentur, se quoque existi-  
 mabant promissione sua hactenus obligari non potuisse. Un-  
 de factum, ut rerum istarum tractationes ad nostræ  
 usque gubernationis atque Regni initia nondum  
 definitæ essent. Quoniam verò plurimum interesse ani-  
 madverteremus, captum semel à decessore negotium expe-  
 diri & ad finem perducì, cum præsertim existimaremus, Rei-  
 pub. potius utilitatem vel necessitatem, quàm decessoris per-  
 sonam ea in re initio spectatam fuisse, statim à felici no-  
 stro hoc in Regnum ingressu, postquam domesticas dissen-  
 siones, quæ ex studijs parium in electione exorta fuerunt,  
 composuissimus, ad illud quoque portorii augendi negotium  
 componendum auctoritatem studiumq; nostrum sedulo contu-  
 limus quidem; verum quia varia Reipub. negotia, tum cum  
 Magno Moscorum Duce bella, pro dignitate atque securi-  
 tate publica à nobis suscepta, non parum studium hac in re  
 nostrum morarentur, ad hoc usque tempus nondum  
 rebus iis finis imponi potuit. Tandem ejusdem Civitatis  
 Gedanensis Ordines, ut harum Tractationum finis aliquan-  
 do inveniretur, dicti portorii sui binummalem auctio-  
 nem Nobis & successoribus nostris, Regibus Polo-  
 niæ coronatis consenserunt, hisce conditionibus, ut  
 gravamina nominatim proposita tollerentur & aboleren-  
 tur; Civitas ad meliorem statum & rei familiaris au-  
 gmentum perduceretur; & ipsi hoc gratificandi obsequio gra-  
 tiam nostram Regiam integrè sibi conciliatam reipsa experi-  
 rentur: Nos igitur habitâ super hoc deliberatione cum  
 Consiliariis nostris Regni nostri, ac in his nomina-  
 tum Terrarumstrarum Prussæ, Civitati & ejus

Ordinibus, tam de propositis augendi portorii conditionibus,  
quàm de tollendis gravaminibus, vigore presentium lue-  
rarum, eo quo sequitur modo, cavendum & prospiciendum  
duximus, cavemus & prospicimus, consilio & consensu  
Consiliariorum nostrorum in omnibus accedente.

Primum & ante omnia constituimus, decernimusque &  
sanctimus, verboq; nostro Regio pro nobis & successoribus  
nostris spondemus ac promittimus, quod isthac auctio  
portorii Civitatis Gedanensis Juribus, privilegiis,  
libertatibus, antehac habitis & possessis, ipsi denique por-  
torio, quod antiquitus possedit, nullâ ratione nulloq;  
unquam tempore, nocere, obesse, derogare, vel  
præjudicare nec possit nec debeat.

paulò post:

**D**ecernimus autem volumusq;, ut portorium id  
exigant more institutoq; pristino Civitatis  
tres Consules & duo scribe, qui eo, quo hactenus fie-  
ri consuevit, modo à Senatu eligentur & constituentur, ac  
nobis peculiare iuramentum in eadem Civitate prestabunt,  
coram Commissario nostro à nobis deputato, & rationes co-  
ram Commissario nostro ibidem reddere, atque etiam, quo-  
ties opus fuerit, coram nobis tanquam servitores nostri in  
iudicio nostro respondere tenebuntur, & erunt adstricti.

Volumus etiam & consentimus pro nobis & succes-  
soribus nostris, ut aestimatio exigendi de mercibus  
portorii, pro valoris conditione, penes senatum  
more hactenus consueto permaneat.

Neque

Neque supra binummalem auditionem portorium, vel ex nostra vel ex Civitatis parte, ullâ ratione amplius augebimus, neque successores nostri augebunt.

Immunitates quoque, quibus proventus portorij diminuantur, nos & successores nostri nemini dabimus, nequestrarum mercium nomine & colore quenquam portorium illud eludere vel intervertere permittemus.

Ut præterea in loco consueto intra Civitatem & non alibi portorium conjunctim percipiat, & ibidem rationes nautarum & mercatorum de navibus, bonis & meribus illorum incantur & conferantur: atq; litera passus sub consueto Civitatis Sigillo enavigantibus edantur. Et generaliter omnem hanc percipiendi portorii rationem Nos & Successores nostri nunquam in posterum mutabimus vel innovabimus.

Item alibi:

**N**E item nova vectigalia vel exactiones, per Nos aut Successores nostros, nec terrâ nec aquâ in fluvio Istula, Civitatis ejus civibus imponantur, temporibus quibuslibet futurâ, quemadmodum jam antea Casimiriano Privilegio eâ de re cautum est, præsentibus hiis ordinamus cavemusque.

Deinde quia nonnulla à Civitate proposita fuerant, quibus cum gravari se existimaret, ut ea auctoritate nostra vel aboleremus, vel ad equitatis aliquam rationem reduceremus, humiliter supplicaverat, ea Consiliariorum nostrorum consilio & sententiâ adhibitâ hoc omninò modo



atque ratione definienda existimavimus, quemadmodum & presentibus definimus ordinamusque.

Ac primò quidem, quod ad Commissionis à D. SIGISMUNDO AVGVSTO eam in Civitatem missa negotia attinet, eisi sciamus, gravissimus de causis D. Decessorem nostrum adductum Commissarios suos in eam Civitatem designasse: quia tamen magna temporum perturbatio varietasq; consequuta fuit, eaq; quæ Commissionis ejus auctoritate sancita promulgataq; fuerant, nunquam adhuc ad effectum deducta sunt; Placationis etiam formulam D. Decessori nostro Civitas ita obtulerit, ut à Commissionem illa, ejusq; omnibus gravaminibus benignissimè liberari se petiverit, eaque placatio à D. Decessore nostro Sigismundo Augusto ita accepta fuerit: Nos totâ isthac causâ diligenter examinâtâ & perpensâ, volumus, ne quid in posterum de ea questionis vel controversiæ relinquatur, sed ut Civitas in jure & statu suo, quo antea fuerat, deinceps etiam permaneat, nec vi istarum actionum & Constitutionum Commissorialium quicquam de statu Civitatis immutetur: ac proinde pro Nobis & Successoribus nostris Civitatem nostram Gedanensem & omnes ejus Ordines ac Cives realiter & effectualiter ab isthac totâ Commissionem, & omnibus ejus attinentiis ac gravaminibus clementissimè relevamus & liberamus, constituentes ac decernentes auctoritate nostra Regia, ne quid illorum

illorum, quæ in Civitatibus præjudicium, contumeliam & damnum, acta, gesta, constituta sunt, quorum etiam numero famulos libellos Fridewaldi & quorumvis aliorum comprehendimus & cassamus, ullo unquam tempore, nec Magistratus nec Civium honori, existimationi & fidei, Civitatis item juribus, privilegijs, libertatibus & probatis consuetudinibus, quoquo modo obesse, nocere, derogare vel præjudicare possit vel debeat.

& circa finem :

**Q**ua omnia & singula, uti supra scripta sunt, per Nos & Successores nostros, rata firma ac perpetuo conservabuntur, neque Nos aut Successores nostri adversus ea, in Civitatis nostræ Gedanensis præjudicium aut detrimentum, quicquam facturos, vel fieri passuros, in verbo nostro Regio, pro Nobis & Successoribus nostris promittimus & pollicemur. In quorum certissimam fidem & evidentius testimonium, hæc manu nostra subscripsimus, & Sigillo Regni nostri majore appenso communiri jussimus. Datum Warsavia in Conventu Regni generali, die Vigesima sexta, mensis Februarj, Anno Domini Millesimo Quingentesimo Octuagesimo quinto, Regni vero nostri anno Nono. Presentibus Reverendissimis, Reverendis, Illustribus, Magnificis, Generosis, Stanislae Karnkowskj Dei gratia Archiepiscopo Gnesnensi, Legato nato & Regni nostri Primati, Petro Miskowskj Cracoviensi, Hieronimo Rozdrazewskj Cujaviensi, Petro Dunin Volskj Plocensi, Alberto Baranowski Premisliensi & Regni nostri Vice-Cancellaro, Iacobo Voronieczkj Kyoviensi, Episcopo : Nicolae Christophoro Radziejew, Duce in Dubinkj & Bierze, Vilnensi

*Vilnensi, Solecensi, Borissoviensi, Eustachio Volowicz Castellano Vilnensi, & Magni Ducatus Lithvanie Cancellario, Brzestensi, Cobrinensi, Iohanne Chlebowicz, Castellano Trocensi & Magni Ducatus Lithvanie Thesaurario, Petro de Potulicze Calissieni, Alberto Laskj Siradiensi, Iohanne Splawski Inowladawieni, Constantino Duce in Ostrog Kyoviensi & Marschalco Volinia, Ianusio Duce in Ostrog Volinia, Nicolao à Mielec̃z Podolia, Corcineni, Grodecensi, Philone Kmita Smolensceni, Orsanensi, Ioanne Tarlo de Szekarzowiczo Lublinensi, Pilsnensi, Nicolao Drohościckj Polocensi, Stanislae Zolkiewskj Belzensi, Gregorio Zielonskj Plocensi, Zakroczinensi, Mlaveni, Stanislae Kriskj de Drobnia Masovia, Plocensi Dobrinensi, Anzhelmo Gostomskj Raveni, Nicolao Dziablonskj, Culmensi, Bratianensi, Ianusio Zbarawskj Braczlaviensi, Cremenecensi, Pinsceni, Palatinus & Capitaneus Stanislae à Tarno Sandomiriensi, Iohanne Komarskj Calissieni, Iacobo Ponotowski Brzestensi, Paulo Szczawinskj Lancicieni, Sochaczoviensi, Varacensi, Stanislae Wlodek de Hermanow Camenecensi, Haliczeni, Colomieni, Andrea Firlej de Dambrowicza Lublinensi, Sandomiriensi, Stanislae Radziminskj, Cernceni, Liwensi, Camenecensi, Martino Lesniowolskj de Obory Podlachia, Loficeni, Michaelle Haraburda Minsceni, Iohanne Kozielickj Miedzirecensi & Bidgostieni, Georgio Mniszek Radomieni Sanocensi Sokalensi, Stanislae Sirakowskj de Boguslawicze Landensi & Przedecensi, Nicolao Herbort de Fulsten, Haliczeni, Leopoliensi, Stephano Grudzinskj Naklensi, Simone Suhskj Inowlodensi, Gostinensi, Stanislae Gostomskj Sochaczoviensi Raveni, Alberto Ruczanskj Varjoviensi Darpaceni, Stanislae Fykowski*  
*Corani.*



Conariensis, Castellani & Capitanei: Andrea Opalienski  
de Bnin, Regni nostri Supremo Marscalco & Majoris Po-  
lonia generali Capiteano, Iohanne de Zamoscio, Regni no-  
stri Supremo Cancellario & Exercituum generali, ac Cra-  
coviensi, Mariaburgensi, Knissinensi &c. Capiteano, Io-  
hanne Dulski Castellano Culmensi & Regni Thesaurario,  
Bransensi, Suracensi, Suiecensi, Rogoznensi Capiteano,  
Alberto Radziwił Duce in Olike & Nieswieszcz, Curia Ma-  
gni Ducatus Lithuania Marschalco, Petro Thiliczki Se-  
cretario Majore Regni nostri, Preposito Gnesnensi, Craco-  
viensi, Posnaniensi, Warmiensi, Iohanne Tarnowski Re-  
ferendario Curia Regni, Vladislaviensi, Lunciciensi, Crusvi-  
censi, Preposito, Hiacinto Młodzieiowski Curia nostra  
Thesaurario, Stanisław Krasicki Curia nostrorum præ-  
fectio, Lubomliensi, Capiteano, Laurentio Goisliczki De-  
cano Plocensi, Cracoviensi, Sandomiriensi, Ioanne Pio-  
trowski Scolastico Lanciciensi, Custode Sandomiriensi, Cra-  
coviensi, Posnaniensi, Canonicis, Paulo Zaiaczkowski,  
Archidiacono Premisliensi, Secretarijs nostris, Hierony-  
mo Philipowski Leclistratore, Nurensi Striensi, Capita-  
neo, Marco Sobieski Vexillifero Curia nostra, & alijs  
multijs Officialibus, Secretarijs & aulicis nostris, nec non  
Nuncys nostris terrestribus, ad præsentem Conventum no-  
strum Varsoviensem congregatis, sincerè & fidel. nobis di-  
lectis. Datum per manus Illustris & Magnifici Ioannis  
de Zamoscio Regni Polonia Supremi Cancellarij & Exer-  
cituum Generalis, ac Cracoviensis, Mariaburgensis, Knissi-  
nensis, Miodzierecensis, Krzeszoviensis &c. Capitanei, sin-  
cerè nobis dilecti.

Stephanus Rex.

Lit. N.

D. Sigismundi Tertii Confirmatio Transactionis de  
bimommali auctione Portorii

Anno 1588.

**S**igismundus Tertius Dei gratia Rex Polonia, Magnus  
Dux Lithuania, nec non Terrarum Cracovie, Sando-  
miria, Siradia, Lancitia, Cujavia, Russia, Prussia, Culmen-  
sis, Elbingensis & Pomerania, tum Masovia, Samogitia,  
Kiovia, Volhinia, Podlachia Livoniaque, eademque gra-  
tia designatus Rex Suecia, Magni Ducatus Finlandie Prin-  
ceps &c. &c. Significamus presentibus literis nostris, quo-  
rum interest, & in posterum intererit. Quod cum coram  
nobis producta fuissent in originali & authenticâ formâ li-  
tera Serenissimi Prædecessoris nostri D. Stephani Polonia  
Regis, in Comitibus Regni Generalibus Varsaviae  
die Vicesima sexta Mensis Februarij Anno Do-  
mini M. D. LXXXV. Civitati Gedanensi data, con-  
cernentes Tractatum quendam, inter eundem Serenissimum  
Regem, & Civitatem nostram Gedanensem, ratione auctio-  
nis binummalis Portorii ( quod Psalgeldum vulgò vocant )  
ejusdem nostræ Civitatis habitum, conventum & conclusum,  
una cum certis conditionibus in iisdem literis comprehensis,  
ad quem quasq; conservandum & conservandas prædictus  
Rex Stephanus, pro se & Successoribus suis Regibus  
Polonia coronatis, eidem Civitati nostræ Gedanensi ca-  
verit voluit: Nos vestigijs Ejusdem Prædecessoris nostri, &  
Transactioni ita conclusæ inherentes, quæ in eum  
etiam finem à prædecessore nostro nominatim acce-  
ptata fuit, ut abolitis ac sublatiis, quæ tum propo-  
neban-

nebantur, gravaminibus Civitas ad meliorem statum & rei familiaris augmentum perduceretur, & ipsi Civitatis Ordines, hoc gratificandi obsequio, gratiam Regiam integrè sibi reconciliatam re ipsâ experirentur, Tractatum prædictum in omnibus suis punctis, clausulis, articulis, modis & conditionibus, ac literas super eodem & iisdem confectas, quas hic pro expressis & insertis habere volumus, non aliter ac si verbotenus omnia & singula capita descripta essent, approbandum, confirmandum, ratificandum, & approbandas, confirmandas, ratificandas duximus, ac approbamus, confirmamus & ratificamus tenore presentium literarum. Itaque omnia & singula, quæ præfati Tractatus literis continentur & caventur, præsentis Confirmationis vigore & autoritate, ac in verbo nostro Regio, non infringere nec violare aut diminuere, sed multo magis firmiter & inviolabiliter non solum tenere & observare, verum etiam, si quæ defectus intervenerunt, quominus quidquam eorum hæcenus impletum fuerit, vel si quid intermissum sit, id redintegrare, emendare, & adimplere promittimus & pollicemur. In quorum omnium fidem hæc manu nostra subscripsimus, Sigilloq; nostro roborari jussimus. Datum Cracovia die Vicesima Octava Mensis Martij, Anno Domini Mellissimo Quingentesimo Octuagesimo Octavo, Regni verò nostri, Anno primo. Præsentibus &c.

Lit: O.

Ex Instructione S. R. Mts. Generoso Iacobo Sczepanshi  
Succamerario Mariæburgensi, Capitaneo Mirachovien-  
si, Varsaviæ die XIII. Mensis Aprilis Anno  
Domini M. DC. XV.



**P**osteaquam Nuncius S. R. M. Gedanum pervenerit, natus facultatem mandata nostra apud Praefensulem & Consules exponendi, delatâ S. R. M. gratiâ acclementiâ, literas fidei reddet, faustaq; ac felicia cuncta precabitur ac simul exponet, &c. Hâc causâ diligentissimè commendatâ, proponet rationes augendi portorij: quâ in re, etsi S. R. M. nihil innovare voluerit, cum tamen intellexisset, non ex fumâ, neque vanis rumoribus, sed ex certis nuntijs, quod etiam scire Magistratum Gedanensem S. R. M. existimat, Serenissimos Galliarum, Angliæ & Daniae Reges, tum etiam Status Civitatum Belgicarum, ita auxisse vectigalia portoriorum, ut magna pars reddituum ipsis accreverit; non alienum à ratione S. R. M. arbitratur, ac è comodo tum suorum tam etiam subditorum suorum, ad quos Portoriorum redditus pertinent, si idem in ditionibus Provinciisq; suis, quas mare Balibicum alluit, institueretur, ut nimirum à mercibus suis mercatores peregrini majus aliquod solito pretium, conformeq; vel non absimile ei, quod in Portibus memoratorum Regum dependitur, solvant. Cum verò eâ in re sine consensu eorum omnium, qui portus aliquos habent, nihil certi statui ac determinari possit, tractasse S. R. M. cum Illustrissimo Electore Ducibusque Curlandiae, ac illos assensisse; modò Civitas Gedanensis assensum suum præbeat; proponere velle Rigenſibus & alijs, quos S. R. M. non alienos fore ab hoc suo proposito judicat. Postulare itaque R. M.<sup>em</sup> ut Magistratus Gedanensis ad eam rem ritè perficiendam consensum suum præbeat, voluntatique S. R. M. sese accommodet, ac eidem sententiam suam eo in negotio

gotio aperiatur. Fore id è commodo non solum S. R. M.  
sed etiam illius Civitatis, nullumq; inde privatorum na-  
sciturum detrimentum, cum memoratam auctionem vecili-  
galium ad exteros solum pertinere velit. &c. &c.

Ad Mandatum Sac. R. M<sup>is</sup>. proprium

Jac<sup>s</sup>: Zadzick Secr<sup>s</sup>: Mr.

Lit. P.

Ex Responso ad Legationem Sac. Reg. Majestatis, eidem  
Dn. Nuncio dato.

**P**orrò auctionem Portorij Senatus itidem ad consilium  
Ordinum revocavit. Eam verò ita comparatam esse  
sentiunt omnes, ut primâ quidem fronte appareat, & Sacra  
Regia Majestati & Civitati huic, non mediocrem allatu-  
ra utilitatem: sed si penitus introspectiatur, non modò cum  
maximo Civitatis incommodo & dispendio conjuncta, ve-  
rum etiam ad ipsius Regni non mediocre detrimentum per-  
tinere videatur. Quod sine dubio Illustrissimus Elector, Du-  
ces Curlandiae, Rigenses & alij, quos Sacra Regia Majestas  
hoc nomine requisivit, animadvertentes, declinanda in-  
vidia causâ, ab hujus Civitatis assensu approbationem suam  
videntur suspendisse. Habet enim hac Civitas in exteris Re-  
gnis, provinciis & Civitatibus, certas commerciorum liber-  
tates & immunitates, certis pactis & conditionibus circum-  
scriptis, quibus inter alia cautum, ne in hac Vrbe novo quo-  
piam exactionis genere ipsi quoque exteri onerentur. Qui-  
bus aucto portorio causa praebebitur, ut & illi Civium Ge-  
danensium apud se immunitates & privilegia rescindant,  
eosq; majoribus, quàm antea, exactionibus onerent; unde

commercia tandem apud externos deferere Gedanenses cogentur. Quod superioris auctionis sub D. Stephano facta exemplum comprobat. Eo enim adductus Serenissimus Danica Rex novam exactionem, quam Lastgeldum vocant, quæ adhuc durat, Gedanensibus imposuit, binummali auctione longè graviolem. Deinde quoque mercatores ejus sunt ingenij, ut libertates atque immunitates commerciorum sectentur, onera quantum possunt defugiant. Aucto itaque portorio, hanc Urbem dubio procul aversabuntur, & negotiationes suas aliò convertent. Vnde futurum, ut merces è Regno devecta vilescant, & exportationis fructu destituantur, cum incredibili non modò Civium Gedanensium, sed omnium etiam Regni incolarum detrimento. Denique commerciis deficientibus & peregrinis portum hunc declinantibus, quantam Sacra Regia Majestas in redditibus portorij jacturam passura sit, facile est existimare. Ut taceamus, quantis præterea vicinorum Principum ac Civitatum odys ac simultatibus adversus Cives Gedanenses hæc res præbitura sit occasionem. Atque his & alijs de causis olim factum, ut D. Rex Stephanus, pro se & Successoribus, diserte verbis hanc clausulam privilegio Tractatum Portorij inseruerit, quod supra binummalem ejus temporis auctionem portorium, vel ex Regia vel Civitatis parte, ulla ratione amplius augeri non debeat. In quâ ut nunc etiam Sacra Regia Majestas clementissimè acquiescere dignetur, Senatus humiliter rogat.

Lit. Q.

Confirmatio Iurium, & nominatim pactorum portorii.

Anno 1633.



**I**N Nomine Domini. Amen. Cum Regum ac Principum  
laudes, quibus Virtutis memoria aternitati consecratur,  
illustriores reddantur, quando fidelium subditorum commo-  
da, utilitates, honorem ac dignitatem tuentur, eorumq<sup>ue</sup> sa-  
luti & felicitati conservanda augendaq<sup>ue</sup> consulunt: Proin-  
de Nos VLADISLAVS Quartus, Dei gratia, Rex Polonia,  
Magnus Dux Lithvania, Rusſie, Prussia, Masovia, Samo-  
getia, Kiovia, Volhinie, Podlachia Livoniaque; nec non  
Suecorum, Gottorum Vandalorumque hereditarius Rex, Ele-  
ctus Magnus Dux Moscovia, Significamus presentibus li-  
teris nostris universis ac singulis, quorum interest, harum  
notitiam habituris. Quod cum in felici Coronatione nostrâ  
omnium incolarum Regni & Dominiorum nostrorum jura  
& privilegia solenniter confirmaverimus, petieritq<sup>ue</sup> per  
Internuncios suos Civitas nostra Gedanensis, ut speciali quo-  
que Diplomate jura atque privilegia sua confirmaremus, &  
omnium libertatum immunitatumq<sup>ue</sup> sibi competentium fir-  
mitati autoritate nostrâ Regia prospiceremus, ipsumque ju-  
ramentum, à nobis in Coronatione nostra Regia prestitum, ad  
Status Terrarum nostrarum Prussia, & sic ad eandem Civi-  
tatem Gedanensem pertinere declararemus: Ideò Nos co-  
gnitam perspectamque habentes singularem præ-  
fatæ Civitatis fidei constantiam, integritatem,  
sinceritatemq<sup>ue</sup>, & præclara bene merendi studia,  
Prædecessoribus nostris, Regibus Polonia, & in pri-  
mis D. Parenti nostro, totique Reipublicæ nuperis  
belli motibus egregie comprobata: volentesq<sup>ue</sup> omni-  
nò talem illius virtutem & merita gratiâ nostrâ  
Regiâ compensare, & quæ ad ornamentum & incremen-  
tum

sum ejus spectare videntur, clementer promovere: omnia ac  
singula Civitatis nostra Gedanensis jura, privilegia, indul-  
ta, libertates, prerogativas, immunitates & receptas con-  
suetudines, Ecclesiasticas & seculares, sub quibuscunque ver-  
borum tenoribus & modis, per Serenissimos Prædecessores no-  
stros, Reges, Principes, Duces, Magistros, quocunque tempore  
data, concessa, emanata, & datas, concessas, emanatas, at-  
que observatas, nominatim etiam Tractatum Porto-  
rij, siue Conventionem cum Serenissimo olim Ste-  
phano Rege portorij ratione initam, & quavis alia  
munimenta, antiqua & recentia, donationes item, inscri-  
ptiones, cautiones, & literas qualescunque, seorsim vel cum  
alijs conjunctim obtentas, quorum & quarum tenores hic  
haberi volumus pro insertis & expressis, in omnibus suis  
punctis, capitulis, articulis, clausulis, conditionibus & conten-  
tis, confirmanda, roboranda, stabilienda, ratificanda, &  
confirmandas, roborandas, stabiliendas, ratificandas duxi-  
mus & decrevimus: prout vigore presentium confirma-  
mus, roboramus, stabilimus, ratificamus, & de certâ sci-  
entia nostrâ approbamus & renovamus, illaq; & illas perpe-  
tua, vera, indubie & inviolabilis firmitatis robur obtinere  
debere statuimus, & sub juramento nostro Regio, in  
prædicta felici Coronatione nostra corporaliter præ-  
stito, sanctè pollicemur. Quo videlicet, uti Terras  
Prussię, sic etiam Civitatem nostram Gedanen-  
sem ita comprehensam esse volumus & declaramus,  
ut omnia Terrarum Prussię Civitatisque Geda-  
nensis privilegia & jura sarta tecta remaneant:  
omniaque eadem obligatione ac tam firmiter, quàm  
alijs

*aliis Statibus & Ordinibus Regni Polonia Nos servaturos recipimus. Promittentes cuncta illa superius memorata, Civitati nostra Gedanensi quomodolibet servientia, quibuscunque dicantur nominibus, nullatenus infringere, labefactare aut imminuere: quin potius constanter, illas & inconcusse tenere ac observare, tenerique & observari facere, temporibus perpetuo duraturis: & si qui defectus inter venerint, quò minus quicquam eorum hactenus impletum fuerit, in toto vel in parte; vel si quid intermissum sit, id in posterum redintegrare, emendare & realiter ac cum effectu adimplere: ita ut omnia incommoda, abusus & difficultates, quæ contra prædicta jura ac privilegia quoquo modo irrepserunt, illis nec præjudicare vel ulla ratione obesse debeant, nec contrariis Rescriptis aut concessionibus, quandocunque impetratis vel impetrandis, iisdem directè vel indirectè derogari possit; quæ quasvè pro injustis, illegitimis ac nullis semper haberi, neque vim ullam vel validitatem iis attribui volumus, & Confirmationis hujus auctoritate definimus. In quorum omnium fidem presentes manu nostra subscriptas Sigillo Regni communiri jussimus. Datum Cracovia in Comitibus felici Coronationis nostræ die Decima Martij, Anno Domini Millesimo Sexcentesimo Trigesimo Tertio, Regnorum nostrorum Polonia & Suecia Anno primo. Presentibus Reverendissimis, Reverendis, Illustribus, Magnificis, Venerabilibus & Generosis &c.*

**Lit: R.**

**Ex Pactis Induciarum Anno 1635. Stumdsorfii  
initis.**

**d**

**Art.V,**



Art. V.

**P**ost restitutionem locorum omnium Vectigalia in eum  
mox reducantur statum, & in illud jus, in quo  
erant ante hoc bellum, servatâ in omnibus æqualitate,  
ubi antea fuit.

Artic. XIV.

**C**ommercia pristina inter utrumque Regnum  
& provincias subiectas restituantur, & in  
veteri exercitio conserventur, redeantq; omnia in  
eum statum, in quo ante hoc bellum fuerunt, ab o-  
mnibus novitatibus oneribusq; hoc bello indictis vindicata.

Artic. XX.

**P**ro maiore securitate, & ne quicquam hisce pactis  
contrarium durantibus Inducis à quopiam com-  
mittatur, Ordines Regni Polonia & Mag: Duc: Lith: pro-  
mittant & fidejubeant, Serenissimum Regem Polonia &  
Ejus fratres, eorumq; Successores & posteros, durantibus  
Inducijs, ex Regno Polonia, Magnaq; Ducatu Lithv: & o-  
mnibus Eis subiectis provincijs atq; diuisionibus, nihil molitu-  
ros, multò minus hostile quicquam tentaturos, adversus Se-  
renissimam Reginam, Ejusq; Successores, Reges Regnumque  
Suecia, Eisq; subiectas diuisiones ac provincias, Civitates, Ca-  
stra, Munimenta ac Territoria: & si quicquam ten-  
tauerint, id impedire ac prævenire teneantur.

Artic. XXI.

**S**acra Regia Majestas & Respub. Polona adversus Sere-  
ni-

*nissimam Reginam, ejusque Successores, Reges Regnumque  
Suecia, subjectasque ditiones ac Provincias, nullis navibus  
vel classe maritimâ utatur, vel aliis quibuscunque auxilio  
submitat, durantibus Inducijs. Et Dux in Prussia, Dux  
Curlandiæ, & ex Statibus Prussiæ Regalis Civi-  
tates Majores caveant, se non permissuros, hostile  
quicquam ex Portubus suis Regina Regnoque Sue-  
ciæ, subjectisque ditionibus ac Provinciis illatum  
iri, directè vel indirectè.*

Lit. S.

Literæ Cautionis nomine Civitatis Gedanensis extrahitæ  
Anno 1635.

**N**os Praefules & Consules, Scabini, Centumviri, to-  
taque communitas Civitatis Gedanensis, Notum testa-  
tumque facimus, universis ac singulis, quorum interest. Post-  
quam in publicis Sac: Reg. Mus. Domini Nostri Clementis-  
simi Regniq. Polonia ex una, & Serenissima Regina Regni-  
que Suecia ex alterâ parte Tractatibus, die 12. Septembris  
Anni præsentis in pago Stumsdorff conclusis, ita conventum  
fuit, ut Regalis Prussiæ Civitates majores, speciali cautione  
interpositâ, reciperent ac sponderent, se non permissuras  
stantibus Inducijs hostile quicquam ex portubus suis Regina  
Regnoque Sueciæ, subjectisque ditionibus ac Provinciis inferri,  
directè vel indirectè: Proinde vigore præsentium bonâ fi-  
de promittimus ac cavemus, nos toto hoc induciarum tempore  
non permissuros esse, ut ex portu nostro hostile quicquam  
Serenissima Regina ac Successoribus ipsius, Regnoque Sueciæ,  
subjectisque Ditionibus ac Provinciis inferatur, directè

*vel indirectè, neque nos ipsos contra tenorem Pacto-  
rum publicorum illaturos, sed promissam securitatem pra-  
stituros esse. In cuius rei fidem Sigillum Ordinum Civitatis  
huic est appressum. Datum Gedani 16. Novembr: A°. 1635.*

**Lit. T.**

*Ex literis Illustr: Dn. Petri Brahe, Comitis in Vissingsborg, die  
14. Septembr: Anno 1635. Mariæburgi datis.*

**I***nterim hoc admonendum censuimus, ne ex vi istorum ver-  
borum in Pactis expressorum, Post restitutionem loco-  
rum omnium Vectigalia in eum reducantur sta-  
tum &c. sibi quoque ita vectigalia vindicent, ut exteris  
nationibus, quæ in nostra consensere vectigalia, hoc Anno  
duratura, ansam conquerendi dent: multo minus ut in po-  
sterum sibi ea retinenda ducant, vel Serenissimo Regi Po-  
lonie (quod fama ad nos perulit) transcribant: cum id  
novis difficultatibus Regna involvere posset, ac  
propterea omni ratione à Dom. Vestris cavenden-  
dum est.*

**Lit. V.**

*Supplicatio Sacræ Regiæ Majestati exhibita Gedani die  
21. Ianuarij Anno 1636.*

**T***anta est erga Sac: Reg: V. Majestatem clementia &  
æquanimittatis fiducia animis omnium Civitatis hujus  
Ordinum insita, ut in rebus gravissimis, & publicam pri-  
vatamque salutem concernentibus, tutissimum spei suæ re-  
fugium in eâ solâ collocatum teneant, certissimumq; adver-  
sitatis omnis solatium non aliunde post divinam opem expe-  
ctan-*



*standum censeant. Cui proinde humilimè innixi, intolerabilem gravaminis impendentis difficultatem S. R. V. Mti. Domino nostro Clementissimo, subiectissimis animorum studijs exponere, ac salutarem in conservandis fidelium subditorum juribus, commodisq; eorum promovendis, ac damnis averiendis benignitatem, quâ nihil magis Regiæ gloriæ splendorem augere potest, devotis precibus implorare non dubitant. Postquam enim ex Mandato S. R. V. Mti. Senatui Civitatis nuperrimè insinuato intellexerunt, eam esse intentionem S. R. M. Vra. ut cessante vectigalis maritimi exactione Suevicâ, per belli injuriam introductâ, & per sexennales Inducias, præviâ sponcione ac remissione Illustrissimorum Dominorum Commissariorum Republicæ Polonæ, Civitati huic invite imposita, nunc etiam restituta tranquillitate præstinâ, & reductus ad priorem statum vectigalibus, (quo ipso nihil gratius ac optatius Civitati accidere potuit) identidem ex omnibus mercibus in Portu Gedanensi tres cum dimidio floreni, ultra consuetum portorium, per Exactorem specialiter ad id constitutum, in usus Regios percipiantur: rei hujusce novitate & imminentis inde mali gravitate in subitam conjecti consternationem, parùm abest, quin omnem penè lætitiæ vim, antea concepta, in dolorem & gemitus; omnem fidei & meritorum memoriam, in afflictionem & pericula conversum iri vereantur: nisi in aequitate & justitiâ S. R. V. Mti. Domini nostri clementissimi, desideratum incolumitatis suæ præsidium reliquum habeant. Quam quia eo potissimum fine in Civitatem hanc, omni cultu, obsequio & fidelitatis constantiâ sibi addictissimam, venisse constat, ut sublatis omnibus gravaminibus clementiæ Regiæ testimonium perpetuum posteritati relin-*

queret; nihil minus futurum Ordines Civitatis sperare potuerunt, quàm ut novi, & quidem maximi, gravaminis occasio inde oriretur: quin potius Pace & quiete reddita, plenam quoque privilegiorum integritatem, & commerciorum pro publicâ utilitate restaurationem perfectam, humilimè sibi sunt polliciti.

Jam verò non modò universim Terras Prusæ ab omni teloneorum exactiōe liberæ & absolutas fuisse, antequam se spontaneâ deditione Serenissimorum Poloniæ Regum potestati subderent, ex antiquissimo Privilegio Culmensi de anno 1233. constat; itemq; omnia telonea, in aquis & terrâ, à Divo Casimiro Rege, uti ipsa verba Privilegij incorporationis de anno 1454. innuunt, sublata & abrogata esse, nullo unquam tempore, ex quâcunque causâ aut occasione, instituenda aut imponenda, evidenter patet: sed inprimis etiam in privilegio Tractatum Portorij, à S. R. M<sup>te</sup>. V. sub juramento Regio solenniter confirmato, discretis verbis cautum est Civitati, quod supra binum-malem auctiōem, certis conditionibus concessam, portorium nullâ ratione amplius augeri, nec percipiendi portorij rationes, per se vel Successores suos, in posterum unquam mutari vel innovari deberent.

Ceterum quantum commercij detrimentum ac impedimentum ab ista vectigalis novi accessio-

ne metuendum sit, superioris auctoris sub Divo Stephano facta, quae tamen longè minor erat, exemplum satis comprobat; quo adductus Serenissimus Dania Rex novas iidem exactiones Gedanensibus imposuit: tum & manifesta ratio evincit, quod mercatores, libertates suas sectari & onera, quantum possunt, defugere consueti, hanc urbem deinceps dubio procul aversabuntur, & negotiationes suas aliò convertent, ubi vel Albi vel Odera beneficio merces in ulteriora aliarum provinciarum loca devehere sine vectigalium ejusmodi prestationibus liceat. Vnde futuram, ut exteris portum hunc declinantibus, merces è Regno devehenda vitescant, & exportationis fructu destituantur; invecle rursus pretio suo in immensum excrescant, cum incredibili non modo Civium Gedanensium, sed omnium etiam Regni incolarum incommodo; Gedanenses autem sua apud externos commercia tandem deserere cogantur: qui vicinorum Principum ac Rerumpublicarum Civitatumq; odijs & simultatibus obnoxij, ad summas angustias rediguntur, & deterioris semper conditionis molestijs implicati, nunquam ad meliorem statum pervenire, neque adeò Pacis commoda in usus suos, & praeitarum calamitatum levamen, transferre poterunt.

Ut nihil dicatur, de pactorum publicorum tenore, quæ omnia vectigalia cum in statum idemque jus, uti ante bellum fuit, redigenda esse expresse disponunt: quibus si hac in parte contraventum fuerit, omnis vindictæ moles in Civitatem hanc redundabit, eaq; novis subinde injurijs exposita miseranda sortis infortunium, non iam sublatum, quàm transmutatum experietur: quod haud obscure literis DD. Commissariorum Suecicorum significatum fuit.

Quam-



Quamobrem universi Ordines Civitatis, etsi singulare beneficium S. R. V. M<sup>is</sup>, Domini nostri clementissimi, optata Pacis successu collatum, æternis laudibus predicandum, & omni gratitudinis genere prosequendum omnino agnoscant: humilimè tamen confidunt, longè à voluntate S. R. V. Majestatis alienum fore, ut Civitas hac jurium suorum & privilegiorum jacturâ, quibus nihil in Terris charius aut sanctius possidet, aut fortunarum omnium dispendio, ad extremam perducatur perniciem, novusq; pressa oneribus omnem benè vivendi opportunitatem sensim amittat: quin potius inclita Reipublica Status omnes & singulos eas rationes inituros esse, quæ tantis S. R. V. M<sup>is</sup> meritis aptè convenient, & absque publica utilitatis discrimine gratitudinis debita officium contestari queant. Quibus suo quoque loco Civitatem hanc, uti fidele ac inseparabile Reipublicæ membrum, non defuturam esse, Senatus cum reliquis illius Ordinibus submisso venerationis cultu pollicentur; iterum iterumq; humilimè rogantes, ut S. R. V. Majestas, laudatissimorum suorum Antecessorum exemplo, benignissimam hac in parte Civitatis rationem habere dignetur: quæ tam insigni Regia clementia argumento incitata, cunctis viribus in id vicissim incumbet, ut de S. R. V. M<sup>re</sup> Domino nostro Clementissimo, bene merendi occasiones nullas prætermittat; nevé adeò S. R. M<sup>tem</sup> V. collati in fidelissimam Civitatem beneficij pænitere unquam possit.

## Lit. X.

Litteræ Reversales S. R. M<sup>is</sup>. de immunitate novi  
telonei conservandâ Anno 1636.

Gedani datæ.

Vladis-

*Vladislaus IV. Dei gratiâ Rex Polonia, Magnus Dux Lithvania, Russia, Prussia, Masovia, Samogitia, Livonia, Smolenscia, Severia, Czernichoviaq; nec non Suecorum, Gottorum, Vandalorum hæreditarius Rex.*

**S**ignificamus presentibus literis nostris, quorum interest, Universis & singulis, harum notitiam habiuris. Postquam constitutus viginti sex annorum inducijs, bellum in Prussia divinâ gratiâ sopitum, & alma Pacis tranquillitas, magno omnium Incolarum gaudio, restituta esset; adeoq; Nos, juxta conventionem cum Legatis exterorum Principum Mediatorum certis de causis initam, moderatum vetigal maritimum ad biennium in portibus nostris exigendum destinassemus: Ordines verò Civitatis nostræ Gedanen, nonnulla inde commerciis incommoda atque impedimenta allatum iri veriti, cum allegatione jurium suorum, humilimè à nobis petijsent, ut benignam præsentis temporis, conditionisq; suæ, ac immunitatis, cum Terris Prussia, tum Civitati Gedanensi specialiter competentis, rationem habere dignaremur, neque novis exactionibus in portu Gedanensi quenquam aggravari, sed pleno recuperatæ Pacis fructu omnes gaudere permitteremus. Proinde Nos, qui nihil magis, quàm fidelium subditorum salutem & utilitatem Regiâ clementia promovere, omniaq; jura ac privilegia  
e integra

integra & illasa permanere cupimus, desiderijs  
præfate Civitatis Gedanensis, ob insignem fidei  
constantiam & meritorum universæ Reipublicæ  
præstitorum gratam recordationem, haud grava-  
tum voluntatem nostram accommodandam, & ve-  
tigalis ejusmodi exactione supersedendum duxi-  
mus: nec non uberioris gratiæ nostræ testimonio  
Eandem ad perpetua benè merendi obsequia ala-  
criorem reddere volentes, jura & privilegia li-  
bertatesq; Ejus, tum & pacta portorij, juxta  
Confirmationem in Comitibus felicitis Coronationis  
nostræ solenniter factam, deinceps etiam conser-  
vanda & confirmanda duximus, prout conser-  
vamus & confirmamus. Porro cum ad testandam  
gratitudinem, quâ beneficium à Nobis, ad Pacis studium  
inclinatis, acceptum subiectissimis animis prosequuntur &c.  
In cujus rei fidem præsentem manu nostra subscriptas sigillo  
Regni communiri jussimus. Dat. Gedanæ die V. mensis Fe-  
buarj Anno Dni. M. DC. XXXVI. Regnorum nostro-  
rum Polonia & Suetia LV. Anno.

Vladislaus Rex.

Johannes Gembicki  
S. R. Mtis.

Lit: Y.

Assecuratio S. R. Mtis. in causâ Spiringianâ, Civitati Geda-  
nensi post Inquisitionem data, Anno 1636.  
die 7. Februarj.

Vladisla-



Vladislaus IV. Dei gratia Rex Poloniae &c.

**S**ignificamus presentibus literis nostris, quorum interest, Universis & singulis, Quod cum in praeceitis Induciarum Tractatibus ita convenisset, ut Repressalia inter Regna Poloniae & Suecia in posterum nulla concedantur; iis tamen, quibus concessa sunt, Justitia administretur: eoque nomine imprimis Famulus Isaacus Spiring, pro se & consortibus suis, diligenter institisset, hereditatem post Christianum Duiß, Gedanæ Anno 1614. defunctum, ad se devolutam, sibi ab eadem Civitate restitui. Proinde Nos vigore pactorum publicorum pro Justitiæ administratione causam istam accuratè expendimus; & quoniam hereditatem præfatam, per mandatarium 'Serenissimi Progenitoris ac Decessoris nostri, donationis titulo vindicatam, & appellatione à sententia Spectabilis Magistratus Gedanensis ad Judicium Regium interveniente, in contumaciam hæredum, trinis Decretis Regijs, iisdem secundum juris processum abjudicatam, ac tandem ex custodiâ Spect. Burgrabij & Senatus Gedanensis, executionis necessitate injunctâ, in usus Regios extraditam, ipsiq; Civitati de indemnitate cautum esse intelleximus: eisi ad restitutionem ejus, quod legitimo juris ordine adhibito, & ipsius partis negligentia amissum fuit, haud tenebamur: nihilominus, ne Civitati culpa aliqua imputaretur, vel damnum immeritum inferretur, summam relicta hereditatis principalem, nimirum, quindecim millium trecentorum & quadraginta octo au-

reorum Vngaricalium, eidem Spiringio ex Thesauro nostro proprio exsolvere constituimus. Quam cum recuperare idem Spiringius recusaret, nec æquitatis & Justitiæ rationes admitteret: iccirco, ne quid deinceps exinde difficultatis aut molestia suboriatur, & eo, quo antea factum est, modo Civibus & incolis Gedanensibus, quibus magna damna sub specie Repressaliorum per vim & injuriam illata sunt, negotium exhibeatur; hisce Civitati Gedanensi clementer verbo nostro Regio promittimus ac pollicemur, pro Nobis & Serenissimis Successoribus nostris, Nos ab omni impetitione ac turbatione, controversiis ac periculis, eandem omnesq; ejus Cives & incolas liberos, tutos, securos & indemnes præstituros, ac securitati eorum prospecturos esse. In cujus rei fidem &c.

Lit: Z.

Formula Constitutionis Comitialis Anno  
1637. M. Iunio.

Sta Morskie.

**C**Hcæc przynieść do skutku pożytki z Cel Morskich, ktore Nam y Rzeczyposp. ex dominio Maris należą. Za zgoda wszech Stanow mamy iako nay gruntownieysze inire modos & rationes, iakoby takowe Cta do swego mogly przyść porzadku. Nie deroguiac w tym Poddanym Naszym, tak stanu Szlacheckiego, iako y Miast Naszych, ktorzyby słusne iakie swoje ratione Praw iakich

iąkich od Przodkow Nászycb nádanych pokasaty  
 Nam exceptie y wolności. Ná która Constitutia  
 Woiewodstwá y Powiaty W. X. Litenskiego nie-  
 ktore pozwołyły, á drugie do Bráciey wzięły. A  
 Woiewodstwá Pruskie biarą sobie ná Seymik  
 według zwyczáiu.

## Lit. Aa.

Extractum ex Responso Conventus Postcomitalis  
 Terrarum Prussiae Mariaburgi die 3. Augusti  
 Anno 1637. celebrati.

**N**ec reticendum est Statibus & Ordinibus harum Ter-  
 rarum, quod de Constitutione ratione maritimi relo-  
 nei, in proximè prateritis Comitijs insperato laudata ac po-  
 stea legum volumini inserta, ad clementiam Serenissimae  
 Ma.<sup>tie</sup> Regia voluntatem, Status & Ordines in hoc Con-  
 ventu deliberationem ultrò citroq. instituerint: cognito  
 autem, eandem non tantum contra antiquissima harum  
 Terrarum jura & ; verum etiam extra S. R. M<sup>ajestatis</sup>. propo-  
 sitionem, ad nuperos anteComitiales hinc inde in Regno  
 Magnoque Lithvania Ducatu, adeoq. in his Prussiae Terris  
 celebratos Conventus missam, contradicentibus in Comitijs  
 DD. Terrarum Prussiae Internuncijs stetit: Insuper quò  
 domi quidem, ingentem mercium & vendibilium rerum  
 omnium caritatem, indeq. subsequitur summam penuri-  
 am causaturam; quò foris verò, apud extraneos ultra-  
 rinos Principes, cum quorum uno, Regno nimirum Sve-  
 cia, uti in alijs, ita & in hoc puncto, non ita pridem pa-  
 cta inita & stabilita sunt) periculi & difficultatis pluri-



*mum parituram esse: idcirco S. R. Mti. reverentissimo  
eisdem studio supplicant toties nominati Status & Ordines,  
ut consultationem hanc ipsorum, boni publici causâ agita-  
tam, benignissimè suscipere, & quod in eam consen-  
tire nequeant, clementissimè id in partem meliorem  
interpretari dignetur.*

### Lit. Bb.

Ex pactis Portorij cum Civitate Gedanensi initis  
Aò. 1584. & in Comitijs Anno  
1585. confirmatis.

**M**Ari si quid pro re ac necessitate Regni & ditionum  
subditorumq; nostrorum gerendum statuerimus, suc-  
cessoresvè nostri statuent, maturè id deliberatog; fiet, &  
Civitatis nostræ Gedanensis, quæ maritimâ expeditione ma-  
ximè præ cæteris afficeretur, aqua ratio habebitur. Tale  
verò prædonum speculatorumq; genus, quale hætenus cum  
publico incommodo fuit, planè abominamur, nostrog; &  
successorum nostrorum nomine tollimus.

### Lit. Cc.

Ex Rescripto D. Sigismundi III. Aò. 1598.  
die 7. Iunij dato.

**C**um autem nihilominus tributum à frumentis & ali-  
is mercibus ad Foræarum, prætextu contributionis  
in Polonia saucita, à plerisque eorum, maximè vero Civi-  
tatibus & oppidis ultra Fordanum sitis, exigeretur; gra-  
viter eâ de re Status universi, qui ad Convēntum Ma-  
riæbur-

riaburgensem convenerant, conquesti apud nos fuerunt, supplicaruntq; nobis, ut cum nulli vel Provincia vel Palatinatui vel Territorio, in vitiis ejusdem incolis, onus aliquod imponi possit, non pateremur etiam Terras Prussia ejusq; incolas tributo, in quod nunquam consenserunt, gravari. Quae illorum postulatio cum aequissima nobis esset visa, summamq; & caput quodammodo libertatis communis attingere videretur, pro nostro perpetuo in conservandis libertatibus subjectorū nobis populorum studio declaramus, Terras Prussia quae in modum & rationem contribuendi, in Comitibus laudatam, nunquam consenserunt, verum peculiarem contribuendi rationem, more & instituto recepto, voluntate nostra sanciverunt, non posse neque debere exactioni ad Fordanum instituta subesse aut earum incolas, tam Ordinis Equestris, quam civitates majores & minores, ad eam pendendam teneri, adigi & compelli. Quare omnibus quorum interest, maxime tamen Exactoribus Telonei sive Contributionis commemorata mandamus, ne quemadmodum alios omnes cujuscunq; status & conditionis Terrarum earundem incolas, ita Civitates majores & minores, tam supra quam infra Fordanum sitas, ad Exactionem eam à frumentis & alijs quibuscunq; rebus & mercibus, quae in eorum foris emantur & venduntur, sive secundo sive adverso flumine vehantur, adigant molestiamve illis aliquam seu injuriam exhibeant: alioquin, cum nunquam illi in exactionem eam consenserint, contra omnes juris rationes id fieret, omninoq; poenis de injuste extortis teloneis, quicunq; facere id ausi fuerint, subjacerent &c.

Lit. Dd.

Attestatio Illmi. Dn. Thesaurarij Anno 1601. de immunitate Cl-  
vitatum Prussiz ab exactiōe aquaticā, ex Prusią ad  
Fordanum translata.

Jan Firley z Dąbrowice Podskarbi Koronny  
Lubelsky &c. Starosta.

**V** Szem wobecz y kożdemu z ossobna komu  
to wiedzieć należy. Oznaimuię Isz iako  
teras zwielkich á ważnych przyczyn, na przestem  
Seymie Pobor Koronny iest uchwalony: Na co Po-  
stowie Ziemie Pruskiei nie pozwolili, ale do Ziemie  
z soba wzięli. Tak Krol Je° Mć, declarowac ra-  
czyt, Isz Miasta Pruskie y Obywatele ich, nie  
maia bydz wyciagani na placenie Poboru Wodnego  
na Seymie uchwalonego u Fordana: dla czego test  
ossobliwie od Biatey Gory, gdzie przed tem ten  
Pobor wybierany bywat, wysley do Fordana pom-  
kniony iest: Tak y ia przychylaiac się do tey de-  
claratiey Krola J.° Mći. y do zwyczaiu iusz to  
po kilka Poborow zachowalego, ostrzegtem tego  
stanowiac z Panem Woyciechem Mircniskiem te-  
raznieissem tego Poboru administratorem, isz od  
Miašt Ziem Pruskich y obywatelow ich Pobora  
zadnego nyciagac nie ma. Wczym będąc od ty-  
chze Miašt requirowany za wola Krola J.° Mći.  
datem ym to szwiadcztwo moię, rēka swa podpis-  
sane



sanc z przyłożeniem pieczęci moiej skarbowey.  
Dan w Warszawie Dnia XVIII. Miesiaca Marca  
Roku Panskiego M. D. C. pierwszego.

Jan Firley z Dabr.  
Podsk. Kor.

### Lit. Ec.

Protestatio Civitatis Gedanensis contra Spiringios, novi telonii  
exactores, die 14. Octob. Anno 1637. Actis publicis  
insinuata.

**A**D Iudicium Aëlag<sup>ę</sup> presentia Civilia Starogardiensia  
personaliter accedens Providus Anthonius Sadlonskj,  
Ministerialis Regni Generalis, de cuius authenticâ facultate  
Iudicio presenti benè constat, Manifestationem & Prote-  
stationem sequentem, nomine & mandatu Ordinum Civi-  
tatis Gedanensis, scripto conceptam obtulit, Actusq<sup>ę</sup> publicis,  
inseri petiit, cuius tenor de verbo ad verbum talis est:

Cum prater omnem spem atq<sup>ę</sup> expectationem, collocatis  
ad portum Civitatis hujus navibus aliquot, Arnoldus ejusq<sup>ę</sup>  
fratres Spiringij, non contenti multis magnisq<sup>ę</sup> injuriis &  
violentiis, quibus antehac Cives & incolas Gedanenses im-  
merito affecerunt, nunc denuò communem commerciorum  
libertatem impedire, pacta Regnorum Polonia & Suecia,  
inscitis ac invitis Terrarum Prussia Statibus & Ordinibus,  
violare, novaq<sup>ę</sup> exactione maritimâ, sub novi Thesaurarij  
nulliter usurpato titulo, pacatum harum Terrarum statum  
novis turbis & difficultatibus implicare, ac imprimis cle-  
mentissimum Sac. Reg. Majest. animum adversus innoxiam  
hanc fidelemq<sup>ę</sup> Civitatem, nihil durius meritam, concita-  
re, Eamque in discrimen jurium & immunitatum suarum  
f  
conji-

conficere ausi sint: Quas quidem Spiringiorum machinationes contra Terrarum & Civitatum Prussia jura ac privilegia, antiquissimis pactis, Regiisq; juramentis & sacrosanctis cautionibus firmata, quibus nullo juris pretextu, nullâ necessitatis specie derogari potest, susceptas esse evidenter patet: Idcirco Praconsules & Consules, Scabini, Centumviri, totaq; Communitas Civitatis Gedanensis, salvâ fide & subjectione Sac. Reg. Majestati, Domino Nostro Clementissimo debitâ, salvo etiam perpetuo Incorporationis jure, quo inclyto Polonia Regno Civitas Gedanensis conjuncta est, inherentes juribus & libertatibus publicis, de nullitate affectata istius Exactionis & Vectigalis maritimi, sollemnissimè atque in optimâ & validissimâ juris formâ, contra praedictos Spiringios protestantur, nec quicquam exinde præjudicii vel incommodi Civitati huic, Ejusq; Ordinibus universis, civibus ac incolis, inferri posse vel debere; quin imò, si quid adversi atq; insperati ex violentis Spiringiorum novationibus evenerit, Civitatem Gedanensem, utpote cujus, perinde ac aliorum Regni & Magni Ducatus Lithvania, omniumq; Terrarum Prussia Statuum & Ordinum, in Conventu Generali Mariaburgensi nuper congregatorum, manifestus dissensus publicè notus est, ab omni culpâ vacuam, liberam & immunem fore declarant: expressim manifestantes, Quoniam voluntaria ac spontaneâ deditione regimini Serenissimorum Polonia Regum non aliter, quàm salvis juribus suis, Terra Prussia subiecta, omnesq; causa notabiles, dictas Terras concernentes, cum communi Consiliariorum, spiritualium & secularium, Nobilium & Civitatum Majorum, consilio terminanda, tractanda, & definienda sunt: Ideò se etiamnum ab usu & possessione pristina libertatis nullo modo recedere posse, sed quavis legitima conservandi Juris & inveterata consuetudinis media sibi salva & integra,

*gra, tūm etiam Protestationis hujus immutanda, augenda  
vel minuenda, ac præcipue juris sui, pro usu & exigentiâ  
temporis, cum pleniore omnium circumstantiarum rerumq̃  
enarratione, deducendi facultatem omni meliori modo re-  
servare, præsentī manifestatione ac protestatione mediante,*

### Lit. Ff.

Ex literis Vniversalibus D. Sigismundi Augusti Ao.  
1566. die 20. Aprilis Lublini datis.

**M**nd man wir dann befunden/ daß in selbtriger nothwendigen  
defension allerley Fürsichtigkeit zu gebrauchen / wie mehr  
gedachte unsere Feinde und derselben anhang nicht allein durch  
gewalt zu erlegen/ sondern wie sie auch zu hinderen / damit ihnen  
keine zu oder abfuhr irkeines weges geschehe/ haben von deswe-  
gen wir eglliche unsere Schiffsheuptleute mit unseren Königlichē  
bestallungen in die See verordenet ic. ic.

### Lit. G.g.

Ex Privilegio D. Stephani, quo pacta Portorij conti-  
nentur, Anno 1585.

**V**olumus etiam, sancimus & promittimus, Nos & Succes-  
sores nostros, Civitatem in Jure maritimo, quæ illi affi-  
nia sunt, quæ Civitati competunt, perpetuò conservaturos,  
eamq̃ in rem nominatim Privilegium. D. CAZIMIRI Regis  
& Antecessoris nostri, datum in eadem Civitate nostra Geda-  
nensi Dominica Cantate Anno Domini M. CCCC. LVII. quod  
de facultate navigationes ac littora regendi, administrandi,  
navigationem aperiendi & claudendi, cum nostro tamen con-  
sensu & voluntate exprimit ac disponit, autoritate nostra  
Regiâ pro Nobis & Successoribus nostris confirmamus, reno-  
vamus, corroboramus, ac jubemus & sancimus, ut secundū  
istius Privilegij tenorem Civitas in ejus Juris plenâ  
F 2 ac pa-



*ac pacifica possessione & usu, uti hactenus fuit, deinceps etiam absq<sup>ue</sup> aliquo præjudicio vel impedimento perpetuis temporibus relinquatur ac conservetur.*

Lit. Hh.

Ex Privilegio D. Casimiri Regis Anno 1457. Dominica  
Cantate Gedani dato.


**S** Orbas so vorleien wir vnnnd geben den itczges  
dachten Borgermeister Ratmannen Scheppen  
vnnnd ganzen gemeynenn wiß sundirlich in Königs  
lichir gnadenn vnnnd gunst / volkomene gewalt  
vnnnd macht alle vnnnd iczliche schifferte mitt allen strans  
den des meeres vnser lande zcu preußen zcu regiren / zcu  
bestellen / vnnnd zcu gubernieren / vnde alle zegelatio  
zcu gebieten vnnnd zcu vorbittenn / mitt vnserm Rote  
wißenn vnnnd willenn / adir vnseres anwalden in vnser  
rem abeweißenn / dach also das sie keyne czolle vnde  
beswerunge offsetzen sollen an vnserm wißenn vnnnd wil  
len / dach sulchem privilegio den genanten vnseren ges  
trewen Burgermeister Ratmannen Scheppen Vors  
gern vnnnd der ganzen gemeynen vnser Stat Danzke in  
vnser Stad pyotrkaw gegeben vnserdelich / vnnnd hiers  
mete mit nichte gebracht / vnnnd alle wasserrechte /  
schießbrochige gutter vnnnd Kouffensaz / welcherley  
die seyn / zcu richten / zcu entscheden / vnnnd zcu endenn /  
enthalten vnser Königlichem gerechtigkeit vff sulche  
schießbrochige gutter vnnnd Kouffensaz / noch lute  
vnnnd innehalde des hauptprivilegij vnser lande  
preußen zcu Trokaw gegeben / vnnnd alle strande vnnnd  
hauenunge des Meeres vnser hirschafften der lande zcu  
preußen ane eyne idermannes infelle vnnnd vorhind  
runge vor alle Zeerowberen rowbern dieb vnnnd miset  
eren zcu wasser vnnnd zcu strande zcu behalden vnnnd  
zcu vorweisen vnnnd die zcu richten /


in-  
nto  
ur.

ges  
pen  
sigs  
lth  
ans  
zu  
atio  
ote  
nses  
nde  
wils  
ges  
dors  
e in  
iers  
te /  
rley  
n  
lche  
wte  
den  
vnd  
zu  
ndes  
jeter  
nd











Biblioteka Jagiellońska



stdr0015794



